

საქართველოს

მთაბაე

№ 8

20 დეკემბერი. კვირეული საზოგადოებრივი, სამ. ც. ღ სალიტ. ჟურნალი 1909 წ.

ჩვენ და ცხოვრება

მიმართულება სწავლის საქმეში.

თუ რამდენად ჩამოვჩით ჩვენ, ქართველები, დანამედროვე მოქალაქობრივ ცხოვრებას და რამდენად დავშორდით მის მოთხოვნილებას, ამას ცხადად ამტკიცებს ჩვენი საერთო მისწრაფების ხასიათი სწავლა-განათლების საქმეში და ახალგაზდობის მიდრეკილება პრაქტიკულ ცხოვრებაში.

ჩვენი ჩამორჩენა იმაში არ გამოიხატება, რომ ვითომ დღეს ქართველობას შეგნებული არ ჰქონდეს საზოგადოდ სწავლა განათლების საქმიანობა და სარგებლობა, ან ვითომ მას აკლდეს მისწრაფება სწავლა ცოდნისადმი. პირიქით, ეს შეგნება და მისწრაფება საკმაოდ დიდია, და ამ მხრით ჩვენ ზოგიერთ მეზობელ ხალხებს არ ჩამოუვარდებით. არა, ჩვენი ჩამორჩენისა და ცხოვრებისაგან გამორიყვის მაჩვენებელია ამ შემთხვევაში არა მისწრაფების ნაკლებობა ან გულგრილობა სწავლა განათლების მიმართ, არამედ ჩვენი განსაზღვრული მიმართულება ამ საქმეში და ის პრაქტიკული მოსაზრება ანუ, უფრო სიმატლით რომ ვთქვათ, მოუსაზრებლობა, როელიც სარჩულად უდევს ჩვენს ზრუნვას ახალთაობის სწავლა-აღზრდასათვის.

ქართველობის დღევანდელ მიმართულებას სწავლა-განათლების საქმეში მხოლოდ მაშინ გავიგებთ და წარმოვიდგენთ სავსებით, თუ მხედველობაში მივიღებთ იმ „ქართულ თვისებებს“, რომელიც წინა წერილში მოვიხსენიეთ, და გავითვალისწინებთ იმ სოციალ პოლიტიკურ ვითარებას, რომელიც თან მოჰყვა საქართველოს ისტორიულ ცხოვრების ძირითად ცვლილებას მეცხრამეტე საუკუნეში.

როგორც ყველამ იცის, საქართველოში შემოსვლისთანავე რუსეთის მთავრობამ დააწესა ჩვენში რთული ადმინისტრაცია და გაამრავლა ჩინოვნიკობა. „ტრაქტატები“ და ხელშეკრულების „პირობები“ მხოლოდ ქაღალდზე დარჩა, ხოლო ნამდვილად საქართველო რუსეთის პროვინციად გა-

მოცხადდა და მთელი ქართველი ხალხი განურჩევლად წოდებისა, შორიდან გამოგზავნილ ჩინოვნიკების ქვეშევრდომად გადაიქცა. ვისაც წუკითხავს იმდროინდელი ოფიციალური „აქტები“, მხოლოდ იმას შეუძლიან სავსებით წარმოიდგინოს, თუ რა იყვნენ ჩვენი ქვეყნის მ შინდელი გამგენი. და ეს ადვილი გასაგებიცაა: დღესაც, მეოცე საუკუნეში, ასე დიდ ძლისა და გავლენის პატრონია ადმინისტრაციის უმცირესის უმცირესი მოხელე, და აბა რაღა უნდა ყოფილიყო ასი წლის წინად, როცა ხალხს არ ჰქონდა არც გამოცდილება, არც მომზადება და არც საშუალება თვითნებობის ასალაგმავად. თუ წინად ბატონობა და ბრძანებლობა ხელთ ეყრა თავად-აზნაურობას, მეცხრამეტე საუკუნეში ყველას მბრძანებელი შეიქნა „მდივანბეგი“, ყოველი წვრილი და სხვილი მოხელე, რომელიც, უკონტროლოდ და უპასუხისმგებლოდ, თავის სურვილსა და ნებაზე „განაგებდა“ ქვეყანას.

ის როლი და მოვალეობა, რომელიც წინად ქართველ თავად-აზნაურობას ჰქონდა, ახლა სხვაზე გადავიდა და ჩვენი მოწინავე წოდება საქმისაგან სრულიად განთავისუფლებული დარჩა. რომ მას შემდეგშიაც მოწინავეობა და ფაქტიური უპირატესობა შეერჩინა, საქირო იყო, ან სამეურნეო ასპარეზისთვის მაგრა ხელი ჩაეკიდნა, ან და რუსის მთავრობის მოხელეობა ეკისრნა და ადმინისტრაციაში ალაგი დაეკირა. პირველი საქმისთვის მას არ ჰქონდა შესაფერი პსიხიკა და ცხოვრებაშიაც არ იყო მაშინ შექმნილი ნიადაგი სააღმშენებლო მეურნეობის საწარმოებლად სამს ხური კი, განსაკუთრებით სამხედრო სამსახური, უფრო ემარჯვებოდა თავის შესაფერადაც მიაჩნდა. ამიტომაც თავად-აზნაურობამ ეს მეორე გზა აირჩია და ჩინოვნიკის სამსახური ეკისრა.

იმ დროში მთავრობას ადგილობრივი ვლემენტი ძალიან ესაჭიროებოდა, რადგან კავკასია მისთვის სრულიად უცხო და უცნობი მხარე იყო და ამასთან კავკასიის სხვა და სხვა ნაწილები დასაპყრობი ჰქონდა. ამის გამო და აგრეთვე იმიტომაც, რომ ახლად შეერთებულ და ჯერ კიდევ დაუპყრო-

ბელ ქვეყანაში თავად-აზნაურობის გულის მოგება და თავის მომხრედ გადაქცევა მისთვის სასარგებლო იყო, მთავრობა დაუბრკოლებლად აძლევდა ქართველებს მოხელეების თანამდებობას და ნიშნავდა ჩინოვნიკებად. ამ მიზნით მთავრობამ პირველადვე სასწავლებელიც დააარსა ქართველ თავადების რუსულ წესზე გამოსაზრდელად და ჩინოვნიკობისთვის მოსამზადებლად. შემდეგში, პოლიტიკურ მოსაზრებითა და საჭიროებით, სასწავლებლის რიცხვი თან და თან გამრავლდა და მათთან ერთად გამრავლდა რიცხვი მოსწავლე და ნასწავლ თავადებისაც.

სანამ ჩვენში ბატონ-ყმობა მოშლილი არ იყო, სასწავლებლებსა და სახელმწიფო სამსახურში, ადგილობრივ ელემენტთან, მარტოოდენ თავად-აზნაურნი შედიოდნენ, რადგან არც ერთ სხვა წოდებას ქართველებში არ ჰქონდა ამისთვის არც მოხერხება და არც თავისუფლება. მაგრამ ბატონ-ყმობის მოსპობისა და შრომის განთავისუფლების შემდეგ ეს მდგომარეობა შესამჩნევად შეიცვალა, და ჩვენ ვხედავთ, რომ, განსაკუთრებით მეოთხმოცე წლებიდან, როდესაც ცოტაოდნად აღებმცემობისა და სოციალურ დიფერენციაციის ნიშანი დაეტყო ჩვენს ცხოვრებას, არა თავად-აზნაურული ელემენტიც თანდათან უფრო და უფრო მიიწვეს სკოლებისა და სწავლა-განათლებისაკენ. და დღეს ეს მისწრაფება ისე ძლიერია, ისე მძლავრად აქვს იგი მოღებული მიერს ქართველ საზოგადოებას, რომ ჩვენისთანა პატარა და ღარიბ ხალხს, თანაც ჩვენს მდგომარეობაში მყოფს, მეტი არც კი მოეხიზება.

ამ შემთხვევაშიაც, როგორც ბევრ სხვა რამეში, თავად-აზნაურობის მაგალითი და შეხედულება მისიბაძი ვახდა ქართველობის სხვა ელემენტებისთვისაც. როგორც თავად-აზნაურობა რუსულ სასწავლებლებს ეტანებოდა და დღესაც ეტანება იმ მიზნით, რომ შემდეგ, დიპლომის საშუალებით, სახელმწიფო სამსახური მიიღოს, ისევე სხვა ელემენტებიც სწორედ უფრო იმგვარ სასწავლებლებს ელტვიან. რომლებშიაც სწავლება ჩინოვნიკების მოსამზადებლად არის მომართული. მართალია, რუსეთში საზოგადოდ ყველა სასწავლებლები სახელმწიფო მოხელეთა მომზადების საქმეს ემსახურებიან, მაგრამ განსაკუთრებით ასეთი მიზანი უფრო გიმნაზიისა და უნივერსიტეტის დამახასიათებელია. და, აი, სწორედ გიმნაზია და უნივერსიტეტი შეიქმნა სალოცველ ხატად და მისწრაფების უპირველეს საგნად ყოველ ქართველისათვის. გიმნაზია და განსაკუთრებით უნივერსიტეტი ისეთ საჭირო და აუცილებელ მოთხოვნილებად გადაიქცა ქართველის წარმოდგენაში, რომ დღეს საშუალო მდგომარეობის ქართველს სირცხვილადაც კი მიაჩნია, თუ თავის შვილებს, ან თვითონ ან სხვისი დახმარებით, სწავლა ვერ მიადებინა უნივერსიტეტში. და, ჩვენის

აზრით, სწორედ ეს მოვლენა არის ქართველობის თვისებურ სულიერ განწყობილების გამოქვეყნებული და ჩვენ მიერ ახლანდელ სამეურნეო ცხოვრების მოთხოვნილებათა შეუგნებლობის მაჩვენებელი.

აბა დააკვირდით: წარსულ საუკუნის უკანასკნელ მეოთხედში მაინც სრულიად ცხადი შეიქმნა, რომ სამეურნეო ასპარეზზე ძველის წესით საქმიანობა თანამედროვე აღებმცემობის ხ.ნ.ს აღარ შეფერებოდა. აუცილებელი იყო შესაფერის ცოდნითა და გამოცდილებით შევიარაღებულყოფით, რათა ჩვენი სამეურნეო საქმიანობა გაგვებარაქიანებია და ცხოვრებაში რეალური ნიადაგი დაგვეჭირა. ამ შემთხვევაში შესაფერის ცოდნა და სწავლა-განათლება შეიქმნებოდა ნამდვილი იარაღი როგორც საერთოდ ხალხის ეკონომიურ ყოფა-ცხოვრების გასაუმჯობესებლად, ისე თითოეულ „ნასწავლ“ ქართველისათვის დაბალ სოციალურ საფეხურიდან უფრო მაღალში გადასასვლელად, ვინაიდან ახლანდელ დროში სოციალური დაწინაურება გვარიშვილობასთან კი აღარ არის დაკავშირებული, — ქონებრივს შეძლებასა და ეკონომიურს წარმატებაზე დამყარებული.

მაგრამ, საუბედუროდ, ამისათვის ჩვენ არ დავგვირჩა არც შეგნება და არც საჭირო სულიერი მიდრეკილება. სასოფლო მეურნეობის შესწავლა, ტექნიკური ცოდნა, საკომერციო განათლება და საზოგადოდ პრაქტიკული სწავლა მხოლოდ იმისთვის არის გამოსაყენებელი, ვისაც დამოუკიდებელ სამეურნეო საქმიანობისადმი შინაგანი მისწრაფება და ხალხის აქვს, ვისაც საკუთარის თაოსნობისა, ენერჯისა და ხასიათის ლიმტიკის იმედი მოეპოვება. ჩვენ კი სწორედ ეს გვაკლდა და გვაკლია დღესაც. ამიტომაც ქართველობა მარტოოდენ იმ გვარ სასწავლებლებს მიაწყდა, სადაც ჩინოვნიკობის უფლების მოპოება შეიძლებოდა.

ყოველ ადამიანს აქვს სურვილი და მეტწიკლებობით მისწრაფებაც, თავის შედარებით მდარე მდგომარეობიდან გამოვიდეს და, თუ შესაძლებელია, უფრო მაღალსა და უპირატეს საზოგადოებრივ კლასში ჩაერიცხოს. რადგან ქართველობის არც ერთი წრე თავისში ხალხისა და ძალ-დონეს არ გრძნობდა, ეს სურვილი დამოუკიდებელ სამეურნეო საქმიანობის საშუალებით განეხორციელებია, ამიტომ მან ის გზა აირჩია, რომელიც უფრო ადვილად და ხელმისაწვდომად ეჩვენებოდა: კლასიკურ განათლების საშუალებით სამსახურის მოპოება.

ქართველისთვის, რომელიც, — როგორადაც ვაჭრობასა და საერთოდ სააღებმცემო საქმეებს თავიდანვე ჩამოშორებული ადამიანი, — ფულის მხრით ვოველთვის ხელ მოკლედ იყო, ჩინოვნიკობა და საზოგადოდ სამსახური სახარბიელო საგნად გადაიქცა. ჯერ ერთი, როგორც ნივთიერ საღისის

მომცემი ცხოვრებაში, და მეორეც, როგორც სა-
შუალება სოციალურ კიბის უმაღლეს საფეხურზე
ასახვლელად. რახან თავისთავად გვარიშვილობას
რეალური ღირებულება დაეკარგა და მხოლოდ ჩი-
ნი და ჩინოვნიკური ხარისხი გახდა საშუალება სა-
ზოგადოებაში პატივისა და გავლენის მოსაპოვებ-
ლად, ქართველობის არა თავად-აზნაურულ ელემ-
ენტებსაც „გზა გაეხსნათ“ და, კლასიკურ განათ-
ლების სახით, შეძლება მიეცათ „დაბალ წოდები-
დან“ „მაღალს წრეში“ გადასახვლელად. ქართველ
გლეხს, ვაჭარს, ხელოსანს, მრეწველს მღვდელს
დღესაც სასახელოდ მიაჩნია, რომ მისი შვილი სად-
მე სახელმწიფო დაწესებულებაში მსახურობს და
მოხელის უფლებით აღქურვილი არის. სასწავლებ-
ლის დიპლომი, ჩინი და სამსახური მას ათანასწო-
რებს სამსახურისავე დიდ გვარიშვილის კაცთანაც,
ხოლო არა სამსახურის ხალხის წინაშე მისი უპი-
რატესობა ხომ ყველასთვის ცხადია და საგრძნობე-
ლიც. დღესაც უბრალო სოფლის მწერალს ხელში
უჭირავს მთელი სოფლის საზოგადოება და აბა რა
გასაკვირია, რომ ასეთ გარემოებაში ხალხის შემე-
ცნება დიდად აფასებდეს ცოტა უფრო მოზრდილ
თანამდებობის მოხელის სამსახურსა და საქმიან-
ობას.

შეგვიძლია ვთქვათ, რომ გიმნაზიისა და უნი-
ვერსიტეტის დანიშნულება სავსებით შეეფერება
ქართველის სულიერ ბუნებასა და მოთხოვნილებას.
ხსენებულ სასწავლებლებში ახალგაზრდობას იმგვარ
ხელობისთვის ამზადებენ, რომელსაც ბევრის მხრით
„აზნაურული“ ხასიათი და ელფერი აქვს, ე, ი.
სწორედ ის თვისება, რომელიც ყველა ქართველის
არსებაში, ცხადად თუ ფარულად, ბუდობს და ჯერ-
რაც არ აღმოფხვრილა. არა? როგორ არა:—ჯერ
ერთი, კლასიკურ განათლების მიმღები ინტელი-
გენტი არსებითად შორდება პრაქტიკულ სამეურ-
ნეო საქმიანობას; ქართველობასაც სწორედ ეს სა-
ქმიანობა მიაჩნია დაბალ ღირსებისად და „ნას-
წავლ“ კაცისთვის შეუფერებლად. მერე: სასწავ-
ლებლის დიპლომი იძლევა—ან, ყოველ შემთხვე-
ვაში, იძლეოდა—სახელმწიფო სამსახურს; ქართვე-
ლობასაც დღემდის სწორედ ეს სამსახური მიაჩნდა
სახარბიელოდ: თავად-აზნაურობას—როგორც თა-
ვისთვის „შესაფერი“ საქმიანობა, ხოლო სხვა ელემ-
ენტებს—როგორც საშუალება საზოგადოებაში
„ზევით“ ასაწევად ანუ—ახლობელი ცნება რომ
ვახსენოთ—„გასააზნაურებლად“. და აბა როგორ
არ მოიკიდებდა წიაღს ჩვენში კლასიკურ გან-
ათლებისადმი სიყვარული, როცა კლასიკურა სას-
წავლებლები სწორედ იმ გვარ ხელობის ხალხს ამ-
ზადებენ, რომელიც სრულს კმაყოფილებას აძლევს
ქართველობის სულიერ მისწრაფებას. თავადისა ან
აზნაურის შვილი, რომელსაც სასწავლებელი გაუ-
თავებია და რაიმე თანამდებობა უმოვნია, მარტო-

ოდენ ისტორიულ დოკუმენტის პატრონი კი აღარ
არის, არამედ სოციალურ ღირებულების ოფიციალ-
ური მოწმობაც აქვს მოპოვებული. გლეხისა ან
მეწვრილმანის შვილიც, რომელსაც დიპლომი და მო-
ხელის ადგილი მიუღია, აღარ ეკუთვნის არც გლე-
ხისა და არც მეწვრილმანის წოდებას, არამედ იმ
„მაღალ“ წრის ხალხს, რომელიც საზოგადოების
მმართველად და სამშობლოს ამშვენებლად არის
მიჩნეული. და გარეგნულად ეს ისეთი გარემოებაა,
რომ ქართველ მშობელთა თავმოყვარეობას ათ-
რობს და აკმაყოფილებს. თუნდა მისმა შვილმა სამ-
სახურიც ვერ იშოვნოს, თავისუფალ პრაქტიკაშიაც
ფეხი ვერ მოიკიდოს, ქართველი მშობელი მაინც
კმაყოფილია მისი უნიადაგო სწავლა-განათლებით,
რადგან მისი თავმოყვარეობა სრულიად უმნიშვნე-
ლო წვრილმან ამბებშიაც პოულობს თავისთვის
საკმაო საკვებს. მისი შვილი ან წევრად ჩაეწერება
ჩვენს რომელსამე გაძვალტყავებულ „საზოგადოე-
ბაში“, რამდენსამე სიტყვას დაროშავს სადმე სა-
ზოგადო კრებაზე, ერთ-ერთ პარტიაში ჩაეწერება
და „ლოზუნგებით ლაპარაკს“ ისწავლის, ერთ სა-
ცოდავ „სტატიას“ გამოაცხობს რომელსამე გაზეთში,
ან თვითონ დაიწყებს გაზეთის გამოცემას,—ერთის
სიტყვით „ნასწავლი კაცი“, განსაკუთრებით ჩვენი-
სთანა პატარა და უძლურ ხალხში, „თავის გამო-
ჩენას“ ასე თუ ისე ყოველთვის მოახერხებს და,
მაშასადამე, მშობელ-ნათესავებს სულიერად გაახა-
რებს და ყოველ შემთხვევაში მეზობლების შესა-
ნატრად მაინც გახდის.

ამგვარად უნდა აიხსნას ჩვენი საერთო გატა-
ცება კლასიკურ სასწავლებლებითა და განათლე-
ბით, რამდენადაც ამ გატაცებაში საზოგადოდ რაი-
მე აზრი და შეგნება გამოიხატება. მაგრამ კერძო
შემთხვევებში ხსენებულ გატაცებას ხშირად და
ძალიან ხშირად სრულებით არ ჰქონდა საფუძვლად
ის გარკვეული მიზანი და მოსაზრება, რომელიც მას-
ში ჩვენმა ანალიზმა აღმოაჩინა. და არ ჰქონდა
იმიტომ, რომ იგი მისწრაფება არა იშვიათად იყო
და არის შედეგი უფრო წახედულობის და წაბა-
ძულობისა, ვიდრე საქმის გარკვევით აწონ-დაწონ-
ვისა და მერმისის გათვალისწინებისა. არა ერთსა
და ორს ქართველ მშობელს მიუბარებია თავისი
შვილი გიმნაზიაში, არა ერთი და ორი, არამედ
ათი და ათასი, დღესაც მუხლს იყრის იმავე სას-
წავლებლის წინაშე მხოლოდ იმიტომ, რომ „ყვე-
ლა ასე სჩადის“, რომ სხვებიც—უცნობი და ნაც-
ნობი, ნათესავი და მეზობელი—იქ მიდიან და იქ
მიღებულ სწავლას სთვლიან საჭიროდ და გამოსა-
ყენებლად. როგორც ცხვრები, ჩვენც ვერაშანეთს
მივდევთ კული-კულზე ვადაბმულნი და, რაღაც
პსიხიურ გადამდებლობით, უნებურად ვითვისებთ
შემთხვევით წინ მიმავალთა ნაბიჯსა და სიარუ-
ლის მაგალითს. და ამის გამო სრულიად შეუგნებ-

ლად მიეყვებით საერთო მიმდინარეობას და ერთ-
ხელაღ თავს არ ვეკითხებით, თუ საი? მივლივართ
ან სად უნდა მივვიყვანოს ამკვარმა სიარულმა.

შემდეგ წერილში ჩვენ საკითხის ამ მხარეს
შევეხებით და ვეცდებით გავარკვიოთ და აუწონ-
დავწონოთ, თუ რას იძლევა სასწავლებელი და
რამდენად არის ეს ახლანდელ ცხოვრებაში გამო-
საყენებელი.

ფ. გოგიჩაიშვილი.

სონევი.

ვართოლი,
ვევენსოლი,
ვიმდურებოლი,

ხან იას ვკრეფდი — დავთამაშობდი,
ხან ტყე-ღრე ვრბოდი, ცას შევსჩიოდი, —
მსურდა მებოვნე და მეც... გეძებდი!..

გიხალე... წალკატს იდექი მარტო,
თავს დაგვრინავდა ცის ანგელოსი,
ხელთ გეპყრა ნაზი ყვავილისა რტო,
ბუჩქით მოწყვეტილ ტურფა მდელოსი.

ქედი მოვხარე თაყვანის ნიშნად,
წამს აღიარე ჩემს სალოცველად
და აგიჩიე ცხოვრების მიზნად,
ჩემად მტანჯველად,
მფარველად,
მცველად!..

ი. გრიშაშვილი.

გიკვირთ?

(გუძღვნა ბ. ჯანაშიას).

ქართველები ისეთი ხალხი ვართ რომ ბევრს
შემთხვევაში, თავის გრძნობას, თავის თვალებს და
ყურებს როდი ვენდობით; უსათუოდ სხვამ უნდა
გვოკარნახოს ის, რაც ყურით გვესმის; სხვამ უნდა
მაგვითითოს იმაზე, რასაც ჩვენი თვალთა ვხედავთ,
მხოლოდ მაშინ დავიჯერებთ, მაშინ ვიძახით: ბი-
ჭოს, ეს ხომ მართალი ყოფილა და არ ვიცოდით-
თო! გვიკვირს და ვოცდებით იმის გამო, რომ ცე-
ცხლი მწვავე ყოფილა, ყინული ცივი და შველს
ცხვრის ჭამა სცოდნია. ამისთანა უბრალო ქეშმა-
რიტებისა-კი სხვისაგანა ვსწავლობთ ტყუილია?

არ არის ასე? რომ ჩემი ნათქვამი მართალია და
არა ქორი, მოგაგონებთ ბ. სალათელიანის ნაღ-
პარაკვეს პეტერბურგში, ერთ რუსის ოჯახში და
იმის გამო ჩვენს მწერლობაში აღძრულს მითქმა-
მოთქმას და აყალბაყალბ: უყურეთ ჩვენ ძმა-მეზო
ბლებს გულში რა სდებიან და ჩვენ კი არ ვიცო-
დითო. გიკვირთ? რად გიკვირთ?.. ნუ თუ ეს
ჩვენ არ უნდა ვიცოდეთ და თუ ვიცით ამ ცოდნას
რად ვმალავთ? რად ვხუჭავთ განგებ თვალებს და
რად არ გვიანდა სინამდვილე დავინახოთ? დიღ, არ
გვიანდა დავინახოთ, რადგან სინამდვილეს დანახვა
თვალებს გვატყენს, უსიამოვნო გრძნობებს აღგვი-
ძრავს, მოითხოვს ჩვენგან შრომას, ხელების გან-
ძრევას... არ გვიანდა, ჰო, ავადმყოფი დედის ნახვა,
რადგან ეს ნახვა საზრუნავ საგანს გავგიჩენს: უნდა
მოუვაროთ ავადმყოფს, უნდა ექიმი მოვიწვიოთ,
ხარჯი გავწიოთ, წვიდრე კარგად არ შეიქნება,
გვერდს უნდა ვყავდეთ და სხვ. და სხვ.! ვერაფე-
რი დედა შეილობაა!..

რა საჭიროა ამგვარი ცნობების მომცემი კო-
რესპონდენტები, რომელნიც ვითომ ერთგულობას
გვიწვევენ, ჩვენის მხრით მადლობის გრძნობას იწვე-
ვენ და გულში რა აქვთ, ალაჰმა უწყის, როცა
ჩვენც კარგად ვხედავთ ყველაფერს, მაგრამ არ გვი-
ნდა დავინახოთ. განგებ თვალებსა ვხუჭავთ და ვე-
მსგავსებით იმ სირაქლემას, რომელსაც მონადირე
ეპარება. ის კი ნაცვლად იმისა, გაიქცეს, გაირი-
დოს, ქვიშაში თავსა ჰყოფს, ჰმალავს, არ დავინახო
ჩემი მკვლელიო.

ასი წელიწადია ჩვენ ვიყვლითებრთ ჩარჩებისა-
გან, როგორც ბ. სალათელიანი აღიარებს, ვილან-
ძლებით, ვხედვრით დაცინვის საგნად და არ ვიცით
რა ამბავია ჩვენს თავს. საიდან მომდინარეობს
ჩვენზე ეს ვაება?.. ამისთვის რად გვიანდა ჩვენ უც-
ხო მოენე, რომელიც ვითომ სიკეთეს გიშვრებათ—
აი თქვენზე ამას ამბობენო და გული-გულში თა-
ვდაც დაგვიცინის, ცდილობს რაღაც აბლაბუდა
გააბას, წყალი აამღვროს, და თევზები დაიჭი-
როს. მე, ჩემად, მრცხვენთან უცხოელის მიერ ჩემს
თავზე ამისთანა ამაგის გაწვევსა... ჩვენ უკეთესი
დოკუმენტი გვაქვს ჩვენი საუკეთესო მამულიშვი-
ლისა (ჭვათა-ლაღადი), საიდანაც ვისაც თვალნი
არა აქვან ხედვად მაინც დაინახავენ ცხადად საგანს,
და თუნდ ყრუ იყვენ მაინც შეისმენენ ყველა-
ფერს.

მაშასადამე, აქ ცოდნაზე, თუ ვინ რა აზრისა არის
ჩვენზე, — ქართველებზე, ვინ რას გვიპირობს, რა ხა-
ფანგს გვიგებენ, ლაპარაკი მეტია. ეს არამც თუ
ნასწავლმა, უსწავლმა ჩვენმა ტექტიამაც კარგად
იცის, მაგრამ ის ხმას არ იღებს, არ იღებს იმიტომ,
რომ არ იცის ამ ქსელს როგორ დააღწიოს თავი;
იმ ბარდილ ნ როგორ გამოძვრეს, რაშიც გაბმულა,
რა გზით განითავისუფლოს თავი. დღეს, თუ გნე-

ბავთ, აი, ამაზე ვილაპარაკოთ, ვიბასოთ. თორემ სომეხი ჩარჩი აქ არაფერს შუაშია, სომეხ ჩარჩს გარდა სხვა რომ ყოფილიყო, ჩვენი დამდურების მნახველი, ისიც ასე მოიქცეოდა, როგორც გვეპყრობიან ჩვენი ძა-მეგობრები.

რა გავაკეთებ ჩვენ იმ თავით ამ ნიადაგზე? ჩვენმა ინტელიგენციამ რა გზაზე დააყენა ერი? საუბედუროდ იმას დაუწყო კეთება რაც ჩვენ დაგვლუპავდა, რაც ჩვენს ერს ცხოვრების გზა-კვალს აურევდა. ამას ინტელიგენცია, რა თქმა უნდა, შეგნებით, განგებ არა სჩადიოდა, ხოლო საქმე ასე გამოვიდა, ნაყოფი მათ მოღვაწეობისა ამას გვამცნებს. ერისთვის უნდა ერგოთ, მაგრამ ჰქნებდენ.

მე-40 წლებიდან ხელი შეუწყვეს, რომ ჩვენი მეგობარ-მეზობლები გაძლიერებულიყვნენ ქონებით, ხოლო ჩვენ დაკნინებულიყავით და აი როგორ: ყველა ჩვენს კომენდიანჩიკს ანტონოვიდან დაწყებული, პოეტს თუ პუბლიცისტს ზნედ სჭირდა დაესურათებინა სომეხი მხალად, ხოლო მისი ხელობა ვაქრობა საზიზღრობად. ვაქრობა, ნაცვლად იმისა, რომ შეეყვარებინათ ხალხისათვის, შეაზიზღეს; ამისათვის არც ბევრი ტყვია წამალი იყო საჭირო, რადგან რაინდული ხასიათის ქართველს ბუნებრივად არა აქვს მიდრეკილება ვაქრობისაკენ, მით უმეტეს რომ ამ ვაქრობის სინონიმად გვახადეს მხალაობა.

თამაშობდენ სცენაზე იმისთანა პიესებს, სადაც სომეხი იყო გამოყვანილი, როგორც მატყუარა, მშიშარა. ვიცინოდით, ვხითხითებდით და დღეს კი ვსტირით. ყველაზე პოპულიარული პიესა იმ დროს იყო „ძუნწი“. ამ პიესებს ესწრობოდა ჩვენი სოფლის ბელადი თავად-აზნაურობა რომლის ბედოვლათობას, დარდიმანდობას ამგვარმა ლიტერატურამ ხელი შეუწყო. მაშასადამე იმ თავითვე ჩვენ თვალებს ვხუჭავდით სინამდვილეზე, არ გვინდოდა დაგვენახა იგი, ღრმად ჩავკვირებოდით საგანს.

აკაკიმ 80 წლებში დაწერა ერთი ლექსი ცოტა სხვა სუნისა და ყაიდისა: „ვაქარო, მავ შენ აბაზში სისხლი და ოფლი ჩემია, რატომ არა გაქვს ღვთის შიში, ან კაცის არა გრცხვენიაო?“ დაამთავრა ეს ლექსი შემდეგი სიტყვებით: „სისხლ-მეტი ხომ არ გაწუხებს, ხომ არ თხოვლობ დალაქსაო?!“ თვით ეს ლექსიც ვაქარს და ვაქრობას საძაგელ ხელობად გვიხატავს და მისი მოტივი განსხვავდება ძველი მოტივისაგან მხოლოდ მით, ნაცვლად იმისა ეჩვენებინა კულტურული საშუალება ბრძოლისა, თუნდ ეთქვა მაგალითად — დადევ; თორემ მეც სასწორ-ჩარექს და არშინს ავიღებო, ბაშიბუზუკური მუქარა, ჯავრის ამოყრა დასახა საშუალებად, ხსნად ქირისაგან, რაიც წარამეუღლს ვერ დაგვიბრუნებს, მხოლოდ გავგაბრაზებს, სისხლს გავგიფუჭებს.

დიად, მაშინდელმა ინტელიგენციამ ვერ მო-

უარა თავის ერს, როგორც მისი სარგებლობა მოითხოვდა (ან კი როდის მოეუარებო?), ვერ დააყენა საქმე ისე, როგორც გამოსადეგი იყო ჩვენთვის.

ეხლა ვინ უნდა უშველოს ხალხს? ვინ უნდა გამოიყვანოს იგი ამ ეკლიან ბარდიდან?—რა თქმა უნდა, ჩვენმა თვალ-ახილებულმა ინტელიგენციამ, რომელიც ამ მხრივ დღეს არაფერს აკეთებს და არც შემდეგისთვის ფიქრობს რამე გააკეთოს. ჩვენმა ინტელიგენციამ, თუ შეიძლება ამ გვარ ჰეროსტრატებს ინტელიგენცია დაარქვას კაცმა, ნაცვლად იმისა, ერისთვის ეჩვენებინა სწორე გზა ცხოვრებისა, ესწავლებინა თავის თავის მოვლა-პატრონობა, ქართველ კაცს ააღებინა ხელი თავის პიროვნებაზე, თავის თავზე, შეიტანა ხალხში დამახინჯებული კოსმოპოლიტიზმი ერთობის სახელით, მოუკლა ეროვნული გრძობა, დაუბნო ენერჯია, დაუკეტა გზა თვით-ცნობიერებისაკენ: თავად-აზნაურობა უცხოელეზე ჰყადის მამულ-დედულს, ხოლო გლენობა თავის „ნადღების“ ნაღალურს უგდებს ხელში ჩარჩებს. ჩვენ კი ვუცდით გარედან მუჯღლუგუნს, კისერში კისტებს. უცხო, გარეშე კაცის ატეხილს განგაშს: ადე, ძმობილო, ადექი, გაიღვიძე, რა დაგმართნია, ჰხედავ რა ამავეია შენს თავსა, რამ დაგაჩოუნვა, რამ დაგაოჩნა“?! მანამდე კი უნდა გულზე ხელები დავიკრიფოთ, მივანდოთ ჩვენი თავი ბედსა და იღბალს...

გიკვირთ? მე არ მიკვირს.

ვაჟა ფშაველა.

ჩვენი ბედი.

(დასასრული)

როდესაც ხალხს ტერიტორია აქვს შერჩენილი, ან შეუძლია შეირჩინოს იგი მიუხედავად მრავალგვარ დამბრკოლებელ მიზეზთა, მისი ბედი არ არის გადაწყვეტილი, რადგანაც განსაზღვრულ ბინაზედ, განსაზღვრულ პირობებში მის ყოველთვის შეუძლია შექმნას საკუთარი ეროვნული ცხოვრება, საკუთარი კულტურა, — შეუძლია აღაშენოს და განაძლიეროს საკუთარი ეროვნული საზოგადოებრივი ორგანიზმი. განვითარებამ ნიქის მქონე. უფრო ადვილია ეს იმ ერისათვის, რომელსაც უკვე ჰქონია ისტორიის ვიწარებაში ასეთი საზოგადოებრივი ორგანიზმი, შერჩენია ტრადიცია თავისუფალი ეროვნული ცხოვრებისა. — ასეთი მაგალითი ბევრი მოიპოვება ხალხთა ცხოვრებაში, მონობიდან განთავისუფლებულ ხალხთა ახალ პოლიტიკურ ცხოვრებაში.

მაგრამ როდესაც ათასი მეტოქე, ათასი მტერი გეცილება ბინასა, როდესაც არც შენ შეგწევს

ძალ-ღონე მოსულ მტერს გაუმკლავდე, — მაშინ ბინის დაკარგვა შესაძლებლად ხდება, ბანია დაკარგვის შემდეგ კი საუკუნოდ უნდა გამოაუხავო ოცნებასაც კი სრულ ეროვნულ ცხოვრებისას. არსად არ მოიპოვება დედამიწის ზურგზედ ისეთი ხალხი, რომ გაბნეული იყოს და ამავე დროს მისი ცხოვრება სრული ეროვნული იყოს. ამიტომაც ნაშინძველ ებრაელთა და თანამედროვე სომხები, ეს ორი ენერგიით აღსავსე ხალხი, მუდამ სცილობენ; როცა შექმნან განსაზღვრული ტერიტორია, ეს აუცილებელი პირობა, ეს ნივთიერი საფუძველი ეროვნულ არსებობისა. საზოგადოებას განსაზღვრული სივრცე უნდა ექიროს, გეოგრაფიულ რუკაზედ სივრცის ამ ნაკვეთს ამ ხალხის სახელი უნდა ერქვას; — მხოლოდ მაშინ არის იგი ერი, მხოლოდ მაშინ აფასებენ მას და საერთაშორისო ღირსებას ანიჭებენ. ამაზეა აღმოცენებული სიონიზმი, ამისკენაა მიმართული მთელი ცდა სომხის პატრიოტებისა, რომელთა მიზანია მოიპოვონ ვრცელი ტერიტორია, სადაც მთლიანად და განუწყვეტლად იქნება დასახლებული სომხის ერი, და არავითარ საშუალებას არ დაზოგვენ რომ განახორციელონ ეს დიდი იდეალი. ეს არის აღდგენა სომხეთისა, თორემ ვერც ფულით სიძლიერე, ვერც ვერავითარი კულტურული წარმატება ვერ შექმნის სომხეთსა, ვერ მოუპოვებს სომხის ერს ნამდვილ ერის სახელსა და ღირსებას.

ჩვენ? — ათასჯერ გვითქვამს, რომ ჩვენი ტერიტორიის კაი დიდი ნაწილი დაიკარგა და ზოგი მტერმა დაიჭირა ბრძოლით, ზოგიც სხვა ტერიტორიის მძებნელმა ხალხმა დაიჭირა საუკუნოდ. მაგრამ მაინც დაგვრჩა საერთო ტერიტორია, უდიდესი ნაწილი ძველის ტერიტორიისა, და მის მაგიერად, რომ გაუფრთხილდეთ მას და ხელიდან არ გაუშვათ, ყოველ ღონის ძიებასა ვხმარობთ, რომ ფეხ-ქვეშიდან გამოგვეცალოს. მართალია, ბევრი ისეთ მდგომარეობაშია, რომ უნდა გაყიდოს მიწა-წყალი, დავალიანებული და დაგირავებული აქვს მამული და მაინც დაეკარგება, მაგრამ თვით ერის სურვილი სხვას არ ჩაუგდოს ხელში თავისი ბინა, თვით შეგნება რომ ეროვნული საფუძველი არ გამოვთხაროთ ჩვენ თვითონ ჩვენ ფეხთა ქვეშიდან, — ეს სურვილი, ეს შეგნება სადღა არის? — სრული ქეშმარიტებაა, რომ ღარიბები ვართ, არა გვყავს განვითარებული ბურჟუაზია, ჩვენი თავად-აზნაურობა არც მუშაობს, არც შეუძლია მუშაობა და ფულის არც ღირებულების გაეგება რაზე და არც მოხმარებისა; მართალია ისიც, რომ რაც თავად აზნაურობამ მამულების დაგირავებაში ფული აიღო, ის რომ მამულის მოვლაში გამოეყენებინა და არ შეეხებოდა ველურივით, — მთელი საქართველო ახლა აყვავებული იქნებოდა, — მაგრამ ის სურვილი რომ უნდა მაინც მოავგვარონ როგორმე მამულების გა-

ყიდვის საქმე და ქართველები მაინც დაასახლონ თავიანთ მიწა-წყალზედ, — ეს სურვილი სადღა გაქრა? — რა ხანია დაიწყო ვგრედ წოდებული „მიწის მობილიზაცია“ და აბა თუ ერთხელ შეკრებულყვენ და სერიოზულად მოელაპარაკნათ, აბა თუ ერთხელ მოსვლიათ აზრად, რომ ცოტა ძალების შეკრება მაინც საჭიროა და ასეთი ძალებით გაძლოლა საერთო დიდი საქმისა. პირიქით, ყოველმა თავადმა გამდიდრება მოინდომა, სცილობს კიდევ ჩუმად მიჰყიდოს ადგილები უცხო ელემენტებსა, რომ არავინ გაუგოს და არავინ შეარცხვინოს. — გლეხებიც ბევრი შეუგნებლობით არ ყიდულობს მამულსა, ბევრმა არც კი იცის, იყიდება თუ არა, ბევრს ჩააგონეს რომ მუქთად დაგირავდებათ და მართლაც დაიჯერეს სისულელით, ბევრი მდიდარია და არა სჭირდება, ბევრიც ღარიბია და არ შეუძლია ყიდვა. და აბა თუ შევსძელით ან ეს შეუგნებლობა და სისულელე გამოგვერეკა გლეხის თავიდან, ან მდიდრებში გაგვევრცელებინა ის აზრი, რომ აუცილებელი საჭიროა — მეზობლად, თავადის გაყიდულ მამულზედ, ან ისევ ქართველი დაესახლობენ, ან თვით იყიდონ, რომ უცხო არ ჩამოეთესლოს და არ დაუსახლდეს სამუდამო მტრად. აბა თუ ერთ მდიდარ კაცს მოუვა აზრად, რომ თავისი მსგავსი მსხვილი ან წვრილი ვაქარ მრეწველი შეაკავშიროს და შეერთებული ძალებით იხსნან საქართველოს ტერიტორია; მით უმეტეს უცნაურია ასეთი გულ-გრილობა, რომ ეროვნული ბანკის დაარსება, ან სხვა რამ საშვალება მიწების ყიდვისა და ქართველ გლეხებზედ გაყიდვისა არც ქველ მოქმედებაა და არც წყალობა, — ეს ერთი საქმეთაგანია, რომელიც შეიძლება დიდ მოგებასაც მისცემს საქმის დამწყობთა. შეიძლება წასაგები საქმეც იყოს, — მაგრამ უფიქრით, უანგარიშნით, გაუთვალისწინებით კი როდისმე ეს დიდი ეროვნული საქმე ჩვენ კრებებსა? არასოდეს! —

ღიახ, საქმე მარტო სიმდიდრე კი არ არის, ჩვენი უბედურობა მარტო სიღარიბე კი არ არის, არც თავად-აზნაურობის მფლანგველობა, ან შეუგნებლობა თავადთა და გლეხთა, — ან სხვა რამ, — არამედ ჩვენი დიდი უბედურობა ისიც არის, რომ რაცა გვაქვს, იმ ცოტა ძალების შეერთება, კოორდინაცია და განსაზღვრულ მიზნისაკენ მიმართვა არ შეგვიძლია. არა გვაქვს ძლიერი სურვილი არც ტერიტორიის დაცვისა და არც საზოგადოდ ეროვნების შენახვის, მაშინ როდესაც ასეთი სურვილი სხვებს აქვსთ, შეიძლება ჩვენზედ უფრო ღარიბებსა, და ამითა გვეჯობიან. ძლიერი ნებით, ძლიერი შეგნებითა და სურვილით შეიძლება მცირე ძალთაგან ისეთი მტკიცე ორგანიზაციის შექმნა, რომ დაღუპვას გადაერჩეთ და ცოცხლად დარჩენილს კი ყოველთვის შეუძლია მუშაობითა და მოქმედებით გაძლიერება და უდიდესი წარმატება. — მიგაღიითის-

თვის შორს რად წავიდეთ: დღეს მრავალ იმერლობასა და რაქველებს სული ხდება უმიწაწყლობით, ესახლება ყუბანის ოლქშიაც კი, ფულსაც გაიღებს, რადგანაც ადგლობრივ ყოველისფერსა ჰყიდის, ჩვენში კი ეს ტალღა ვერ მივმართეთ აღმ. საქართველოსაკენ, სადაც აქრელდა ტერიტორია, სადაც გასწეწეს და გამოსწეწეს საქართველოს უმთავრესი ნაწილი და სადაც ლამის არის ქართველობამ უმცირესობა წარმოადგინოს, იმდენი უცხო ელემენტი მოაწყდა თბილისის გუბერნიასა. ქართველი დასავლეთიდან ინსტინქტიურად მოღია, თვალდახუჭული. გზაში კიდევაც სძარცვავენ ჩვენი ბრწყინვალე რანდები, მათრახით გამდიდრების მსურველნი, — საქონელმა ჩვენ ადგილზე გამოიარა და საძოვრის ფულიო, — და აბა თუ მცირე რამ დახმარება გავვიწყევია, აბა თუ ერთხელ აკვილია საქართველოს რუქა და მცირე ნაბიჯი წარკვიდგამს იმ დიადი საქმის განსახორციელებლად, რომ სადაც ნაკლებია ქართველობა, ეს ნაკლი შეგვევსო სხვა ადგილას არსებულ ქართველ ხალხის ფონდიდან! კკუაც ასეთი უნდა!..

ვერც გარეშე პირობები, ვერც სიღარიბე, ვერაფერი ვერ გავგამართლებს ასეთს საქციელში; — ის დაწყვეტილი პსიხიკა, განუვითარებელი და ველური პსიხიკა გვლუბავს, რომელზედაც ამას წინად მოგვასენა ბანძა ფ. გოგიჩაიშვილმა. დავიღალეთ, რამოდენიმეჯერ აშენებული საქართველო თავზედ გადაგვალეწეს და ეხლა უკვე ძალა აღარ შეგვწევს ხელახლა ავაშენოთ სამშობლო, — ამიტომაც გვაქვს ასეთი ფსიხიკა, რომელიც ახალ ცხოვრებას ვეღარ უძლებს, იღრიკება და დამარცხებულებსა გეტოვებს. როგორი უნდა იყოს მომავალი ბედი ასეთის ხალხისა? განა, როცა ამაზედ ვფიქრობთ, სასო არ წარგვეკეთება ხოლმე? — ტერიტორიის შერჩენა და დანგრეულ ეროვნულ ორგანიზმის ხელახლად აშენება და გაძლიერება მხოლოდ ძლიერი ნებით შეიძლება. ჩვენ კი ქართველობაც წაგვრთმევია, შეგნებაც ჩვენი ქართველობისა და სად გვექნება ასეთი ძლიერი კოლონქტიური ნება. ეს ნება რომ იყოს, აკი ვამბობთ, იმ მცირე ძალთაგანაც შეიძლება თავის დაცვა, რაც ეხლა გვაბადია. მაგრამ პროვინციალიზმს განა ღრპად არ გაუღდამს ფესვი ჩვენს სულსა და გულში? —

პროვინციალიზმმა ისტორიის განმავლობაში დიდი ვნება მოგვიტანა. საქართველო სამეფოებად და სამთავროებად დაყოფამ დაღუპა, დაქსაქსა ისედაც მცირე ძალა და მტერიც უფრო ადვილად გვერეოდა. შეიძლება ამ წარსულიდან შეგვჩაღვს დღესაც ეს დამღუპველი გრძობა პროვინციალურ სიმპატია-ანტიპათიისა, რომელიც ისე ღრმად არის ჩვენს ძვალსა და რბილში გამჯდარი, რომ საუკეთესო მამულიშვილებსაც თვალს უხვევს და თვით საქართველოს დაღუპვასაც რომ

ჰხედავდენ, მაინც მოერევათ ეს საძაგელი გრძობა. არას ვიტყვი იმ მემამულეებზედ, რომელთაც ეზიზღებოდათ „ქულიკი“ იმერელი და სხვას, უცხოს ჩაუგდეს ხელში მთელი მარტები, მხოლოდ კი იმერელი არ ენახათ თავიანთ მამულში, თავიანთ მეზობლად! რა დასაფარავია, დღესაც ეს არის ერთი უღრმეს მიზეზთაგანი, ჩვენს ქვეყანას რომა ჰღუპავს, და თუ შემდეგ თაობაში მაინც საქართველოს ხალხის სულიერი ერთობა არ განმტკიცდა, ვერასოდეს კონკურენციას ვერ გავუწევთ იმ ხალხებს, რომელთაც ერთობა უმწვერვალეს ხარისხამდის აქვთ განვითარებული და არ დაგიდევენ, სადაურია რომელიმე მათი ნაწილი, — მხოლოდ კი ბინა უშოვნონ და ტერიტორია შემოიხზონ!

რამდენი უნდა ჩამოვთვალოთ ჩვენი დაქვეითებისა და უძლურობის მიზეზი.. გარეშე პირობები, მთელი ჩვენი ისტორია, სრულიად ჩვენი ეხლანდელი ხასიათი, ჩვენი პსიხიკა, — ყოველივე ესე ხელს გვიშლის ჩვენი ბედი მომავალში ბრწყინვალე გავზაღოთ.

თუ წარსულში მოსული ბატონები გვანაივებდნენ, დღევანდელი ბატონები უარესს სჩადიან. თუ წარსულში სოლიდარობის მაგივრად მოტყუებასა და ვერაგობას გვიძღვნიდნენ, დღესაც ჩვენს მეზობლებს სოლიდარობა განა ისე, სწამთ, როგორც კონტრაქტთა პატიოსანი აღსრულება, როგორც საერთო მოქმედება, ურთი-ერთის დათმობა, არამედ როგორც ერთმხრივი სარგებლობის კონტრაქტი, — სოლიდარობა მათდამი, და არაჩვენდამი, მათდა სახეიროდ და ჩვენდა დასალუპავად. როცა მისთვის ეს სოლიდარობა ოდნავ მაინც სასარგებლო და გამოსადეგი არ არის, მაშინ მტრობასაც გიცხადებენ! — ასეთი ხალხის სოლიდარობა, მართალი გითხრათ, ვერაფერი სანუგეშოა და ტყუილი იმედი უნდა გვექონდეს მისი.

„ჩვენი თავი ისევ ჩვენ უნდა გვეკუთნოდეს“, სხვის იმედით ცხოვრება შეუძლებელია, მაგრამ ჩვენც რომ აღარ შეგვწევს საკმაო ძალა, — ეს წარგვეკეთეს სასოსა.

ჩვენი ეროვნული ორგანიზმი დიდი ხნის ნაშთია, ათასჯერ დანგრეული, ათასი რამ მასში ძველი დარჩენილია, ათასი რამ სასარგებლოა, ათასი რამ უფარგისი და დაძველებული, ათასი რამ გასახლებელი. აუარებელი ენერჯია გვეკრძება ამ დიდი საქმის შესასრულებლად, დიდი განზომილი მოქმედება ახალ ცხოვრებასთან ახალი ეროვნული ორგანიზმის შეერთებისათვის. ეხლანდელი თაობა ამას ვერ შესძლებს. იგი დაღლილია და ენერჯიადანსრულებული. მხოლოდ მომავალ თაობას თუ შეეცვლება პსიხიკა აღზრდითა და შესაფერი მიზანი-შეწონილი მოქმედებითა. ამ შთამომავლობის აღზრდა მაინც უნდა შევასრულოთ ჩვენ, დაღლი-

ლებმა და სასოწარკვეთილებმა.

ხოლო მუდამ განმტკიცება ქართული ერთობისა სიტყვით მაინც, აგრეთვე მცირე მუშაობა მაინც არსებულ ძალების კოორდინაციისა და განსაზღვრულ მიზნისაკენ მიმართვისათვის,—ჩვენი ვაღლია და შეძლებისა დაგვარად არასოდეს არ უნდა ვუღალატოთ ამ მოვალეობას.

ვიფართოხლოთ, და იქნებ ჩვენი ბედი ოდნავ მაინც შეიცვალოს. თორემ სიკვდილის შემდეგ ქორისუფალიც არავინ გვეყოლება

Baton.



ჰანგები.

1.

მთვარე მისცურავს ვარსკვლავნი ჰკრთიან.
ღრუბელს მთის ძირში ჩასძინებია
მდუმარებაა. • ღუმელი ისმის
და ფიქრსა ფიქრი აჰკიდებია.
კლდენი სასტიკად მოღერებულან,
ველზე გრძლიათ წვანან ხეთა ლანდები...
ირგვლივ ყოველი საშინელია
და ფეხაკრეფით მივიპარები.

2.

მუხლს დაყრდნობალი დაეყურებ ჩანჩქერს,
სალს კლდიდან გრგვინვით უფსკრულს გაღმამქვეს
ძირს ატეხილი ქალა ტრიალებს
და შესტრფის ირგვლივ მთათა მწვერვალებს.
აქ მეფე არის ხარი ირემი,
აქ დახტის ცქვიტათ ყელყელა შველი,
აქ ქრის ნიაფი ფოთოლთ მრხეველი
და მღერის შაში გახარებული.
ჰოი ბუნებაე! შენმა შევენებამ
ვის არ აღუვსოს შევბოთა გული?!
მოველ, მიმიღე შენდა მეგობრად
ხალხის დევნილი და განკიცხული.

3.

გნახე და შენმა მშვენიერებამ
მყის წარმიტაცა ქაბუკსა გული,
ვიგრძენ ტყვეობა ტკბილსევედიანი,
და აღსდგა ტრფობა, ვით გაზაფხული.
აღმოხდა კიდევ ნორჩ გულსა კვენესა,
ლოცვა უმანკო სიყვარულისა...
მაგრამ თან ვმშობ, არ დაქკნდეს მეთქი,
როგორც ყვავილი გაზაფხულისა.

4

ამბობენ: „მთებში მოცურდა
ღრუბელი მშვიდი, მდუმარი,
მშვიდათ, ჩათხრომით იწვიბა
და კვლავ წავიდა, ვით მგზავრი“
ემზედაც ასე იტყვიან,

ოდეს მოვკვდები ამ ქვეყნად
და მხოლოდ სიტყვა „იწვიმა“
გამოიკვლება „იცრემლად“.

ი. მჭედლიშვილი

ძინაურნი ძიმოსილვა.

გასულ კვირას მომხდარი გაგრძელება წერაკითხვის საზოგადოების კრებისა არა ჩვეულებრივ ხანგრძლივი იყო, თითქმის რვა საათს გაგრძელდა. კრების გარეშე მყოფი იფიქრებს დიდი პრინციპული კიმათი იქნებოდა ალბად და ამიტომაც ასე გაქიანურდა საქმეო. მართლა კი საოცარი ლაპარაკი, ერთისა და იმისივე გამეორება. გამგეობაზე მიტანილ იერიშს მხოლოდ ერთი მიზანი აქვს—გამგეობას უნდობლობა გამოუცხადოს და ამით სახელი გაუტეხოს საზოგადოების თვალში, ხოლო ეს უნდობლობის გამოცხადების მისწრაფება დამყარებული კი არაა რაიმე პრინციპიალურ საფუძველზე. პირიქით გესმის ასეთი მსჯელობა—ჩვენ ვგრძნობთ, რომ არც ერთს გამგეობას ამდენი არ უმუშავნია დასკვნა — ამიტომაც უნდობლობას გიცხადებთო. ვინც ჩვენ ცხოვრებას იცნობს, ვინც ჩვენებურ პოლემიკის და საზოგადოებრივ ბრძოლის ხასიათი იცის, ასეთი ახირებული მოვლენა არ უნდა აკვირვებდეს მას. ჩვენში ბევრ მიზეზთა გამო შესუსტდა პიროვნების პატივისცემა, მოპირდაპირე არავითარ ზომას არ ერიდება, რომ თქვენ დაგამციროთ ალბად იმ მოსაზრებით, რომ თქვენი დამცირება მას ამაღლებს. მაგრამ ეს შეცდომაა. სხვისი დამცირებით თქვენ ვერ ამაღლდებით—პირიქით, ის საზოგადოება, სადაც ურთიერთი პატივისცემა არ არსებობს, წინ ვერ წავა, ის ვერ მოიპოვებს შინაგან ძალას, სახელიც თავდება წინსვლის, გარეშე გამანადგურებელ ძალთა წინაშე სიმტკიცის და სამართა გამარჯვებას. ამიტომაც ვინც გულწრფელად ემსახურება ჩვენს მომავალს, ის ვალდებულია მეტი მიუდგომლობით იხელმძღვანელოს მოპირდაპირეთა დაფასებაში. სანამ ასეთ მდგომარეობას არ მივალწვევ, მანამდის შეუძლებელი იქნება ჩვენში დამყარდეს დინჯი, პირუთენელი მსჯელობა საზოგადოებრივ საქმეებში. ჩვენ ვფიქრობთ, რომ დღევანდელი გამგეობა საკმაოდ აღჭურვილია როგორც საზოგადოების სამსახურის სურვილით, აგრეთვე საკმარისი მიუდგომლობით, და თუ წინანდებურად ანაგრძობ მუშაობა, შესძლებს თვალსაჩინო კვალი დაამჩნიოს წერაკითხვის საზოგადოებას.

მომავალ კრებას ბევრი საკითხი აქვს გადასაწყვეტი. სხვათა შორის კრებაზე სურვილი გამოითქვა, რომ საზოგადოებას ყავდეს სკოლების განსაკუთრებული მეთვალყურე, მართალია ეს სურვი-

ლი მეტად სიმბატიურია, აუცილებელი საქიროცაა ასეთი მეთვალყურე, მაგრამ თუ ჩვენ საზოგადოების დღევანდელ ქონებრივ მდგომარეობას გავითვალისწინებთ, დავრწმუნდებით, რომ სადღეისოთ ამ სურვილის განხორციელება არ შეგვიძლია. მით უმეტეს, რომ საზოგადოებას მეტად მცირედი სკოლები აქვს, ამასთანავე განყოფილების გახსნა საშვალეობას აძლევს ადგილობრივ ძალებს თავიანთ სკოლებს თვითონ ყური უგდონ და რევიზიაც გაუწიონ.

კრების უმთავრესი საკითხი დღეს არის საკუთარი მუზეუმის აგება. თუ რამდენად საქიროა ეს ეროვნული დაწესებულება, ვფიქრობთ, ყველასთვის გამორკვეულია. ეხლა კი მხოლოდ ჯეროვანი ყურადღებით უნდა მოვკიდოთ საქმეს ხელი და მივცეთ დასასრული.

*
**

არის საკითხი, რომლის შესახებ საქიროა მუდმივ ყვირილი, საქიროა მუდმივი ყურადღება, ესაა სამშობლო ენის მდგომარეობა ჩვენ სასწავლებლებში. დიდი ხანია ბარბაროსულად იდევნება ყველაფერი, რასაც ქართული ელფერი ადევს. და ამ დევნაში საგრძნობელი ადგილი უჭირავთ თვით ქართველებს, რომელნიც ზოგი პირადი ინტერესებისათვის, ზოგიც უგუნურებით და შეუგნებლობით, თვითონ არღვევდნენ და უთხრიდნენ ძირს ათასი წლობით შექმნილს ჩვენ კულტურას, ხოლო ეს დევნა არამც თუ კლებულობს, თანდათან იზრდება. დაგვიბრძვიყვეს, საოცრად დაგვიბრძვიყვეს. და თუ გარეშე ძალებს ვერაფერს ვაკლებთ, შინაური ორგულნი და მტერნი მაინც სამარცხვინო ბოძებ უნდა გავაქრათ. გაზეთი „დროებას“ სწერენ იყრე-თიდან.

რეაქციის დაწყებისავე ადგილობრივმა სახალხო სკოლების დირექციამ თავის გაწვრთნილ და გამოცდილ მოხელეთა დახარჯებით ძარჯვედ მოქადა ხელი განმანთავისუფლებულ მოძრაობაში დროს მოაგებულ მცირე უფლების გაქრწელებას — 1881 წლის გეგმით სამშობლო ენის სწავლების მოსაზრებას და თან და თან ჩუმად ძირის-თხრა დაუწყოთ თვით 1881 წლის გეგმასაც. ვერ ნახავთ ქუთაისის გუბერნიაში ვერც ერთ სამინისტრო სკოლას, რომ პირველ განყოფილებაშივე მსწავლებელნი, წინააღმდეგ 1881 წ. გეგმასა არ ასწავლიდნენ რუსულ ენას (წერა-კითხვას) და სავლეთო სკულს რუსულად.

ყველაზე უფრო სავალალო და სამწუხარო ის არის, რომ ამკვარმა გამარუსებელმა პოლიტიკამ ქალაქის თვითმმართველობის სკოლაშიც მოახერხა გამომხა. ქუთაისის ერთ ერთ პირველდაწყებით სკოლაში უკვე დაუწყიათ მდგომარე სასწავლო წლიდან რუსულ ენაზე სწავლება. გვიკვირს, რატომ თვით-მმართველობის სათანადო ორგანომ არ მიაქცია ამ გარემოებას ყურადღება.

ნუ თუ იმდენი მოქალაქობრივი სითამამე ვერ გამოგვიჩენია, რომ იმ სკოლაში მაინც, რომელსაც თვით-მმართველობა ინახავს თავის ხარჯით დაიკავთ თვით უმაღლეს მთავრობის მიერ დაკანონებულ გეგმა, თუ მეტის გაყვანა არ შეგვიძლიან?

სამწუხარო მოვლენა! მთელის პრატრეიულ რუსეთის ერობები ებრძოდნენ დირექციის პოლიტიკას და თავიანთ უფლებების მდგრად იცავდნენ. ისინი თბრულობდნენ თვით კანონის შეცვლას და სკოლების სახესებით დასაკუთრებას, ხოლო ჩვენ ლაჩარ ქალაქის წარმომადგენლებს ისიც კი არ შესძლებიათ, რომ ნამეტნისკის მიერ მიღებული გეგმა დაიცვან და შემოპარულ პოლიტიკას წინააღმდეგობა გაუწიონ!

სწორედ რომ სამწუხაროა ქალაქის თვითმმართველობის უყურადღებობა ასეთ დიდს ეროვნულ საქმეში, როგორც სკოლაა.

*
**

არც ერთ ხალხისთვის ისეთი დიდი მნიშვნელობა არა აქვს წვრილ საკრედიტო დაწესებულებას, როგორც ჩვენთვის. მაგრამ რას იზამთ, როცა ყოველივე ასეთ ამხანაგობას დაარსებიდანვე მატლი გაუჩნდება და ღრღნის, სანამ სულ ბოლოს არ მოუღებს. არა ერთი საკრედიტო და სავაქრო ამხანაგობა დაიღუპა ჩვენში ბოროტმოქმედების გამო. და ჩვენც ასე შევეჩვიეთ ამ მოვლენას, რომ დღეს იშვიათია ისეთი ადამიანი, რომ რაიმე სავაქრო, სამრეწველო ან საკრედიტო ამხანაგობის არსებობა სწამდეს ჩვენში. ეს კი სახსებით ჩვენი ბრალია. კერძო ქურდი და ბოროტმოქმედი ისჯება, სატუსალოში მიდის, ხოლო საზოგადო ქონების გამტაცები და გამფლანგავი არხეინად დასეირნობს. ეს კიდევ არაფერია, ის საზოგადოებრივ ასპარეზზედაც მოქმედებს და ზიზლის და სიძულვილის მაგიერ პატივისცემას და ნდობას მოიმიკის. სანამ ქურდს ქურდი არ დაერქმევა, სანამ საერთო ქონების გამტაცება შესაძლებელი იქნება, მანამდის ჩვენში ვერც ერთი ამხანაგობა ვერ იხეირებს. გაზეთი „მომავალი“ მოგვითხრობს, თუ როგორ დაიღუპა შემნახველი გამსესხებელი საამხანაგო კასა სოფელ ნაგომარში ბევრს უკანასკნელი წვლილიც დაკარგვია, ხოლო გამტაცებელი და მისი დამქაშნი არხეინადა არიან და მათ წინააღმდეგ ვალაშქრებას, მათ შესაფერ დასჯას არავინ ცდილობს. აუცილებლად საქირო კია, რომ დამნაშავე ამ შემთხვევებში სასჯელს ვერ გაექცეს, რომ სხვები მაინც უფრო ფრთხილად იყვნენ და საზოგადოებრივ ქონების მითვისება ასე ადვილად ვერ შესძლონ



† მის მარჯორი ვორდროვი.

მის მარჯორი ვორდროვი.

ბუხარესტში წელს მიიცვალა მოულოდნელად საუკეთესო უცხოელი მეგობარი საქართველოსი და ქართველი ერისა მის მარჯორი ვორდროვი. დაბადებული 1869 წელს ინგლისში.

მის მარჯორი ვორდროვი განუყრელი მეგობარი იყო თავისი ძმის მისტერ ოლივერ ვორდროვისა, რომელიც სხვა და სხვა დროს სხვა და სხვა ქვეყნებში დიდი ბრიტანიის კონსულად იყო ხოლმე. და-ძმანიც სარგებლობდნენ შემთხვევითა და სწავლობდნენ იმ ხალხის ენასა და ზნე-ჩვეულებას, სადაც ცხოვრება უხდებოდათ.

მის მარჯორი ვორდროვი დაინტერესა მისი ძმის, მისტერ ოლივერის მოგზაურობაჲ საქართველოში და მისმა წიგნმა, „საქართველოს სამეფო“-მ. მან ქართული ენის შესწავლაც დაიწყო და მალე მთელი თავისი ოჯახით ეწვია საქართველოს და ისე შეუყვარდა ჩვენი ქვეყანა, ისე გაიტაცა იგინი ჩვენი ქვეყნის მშენებლობამ, ქართველთა წარსულმა და აწმყო, რომ საუკუნოდ დაუმეგობრდნენ საქართველოსა და უკანასკნელ დრომდე არ დავიწყებიათ არც მისი ყოველ-დღიური ჭირი-ვარამი, არც თავიანთი ქართველი მეგობრები,

მისტერ ოლივერ ვორდროვიმ დასწერა მთელი წიგნი საქართველოზედ: „საქართველოს სამეფო“. მის მარჯორი ვორდროვისთვის კი ქართული ლიტერატურა თითქმის მეორე სამშობლო ლიტერატურად შეიქმნა. იგი მშენებლად სწერდა და კითხულობდა ქართულად; მან შეისწავლა ძველი და ახალი ლიტერატურა ქართველთა და მუდამ სცდილობდა ინგლისის საზოგადოებისათვის გაეცნო იგი.

მის მარჯორი ვორდროვიმ ბევრი უცხო ენა იცოდა, მაგრამ ქართული ენა რაღაც განსაკუთრებულის სიმბატიით უყვარდა და ერთი სტრიქონიც არ გამოუტოვებია, ისე გაფაციცებით ადევნებდა თვალ-ყურს ჩვენი ახალი მწერლობის განვითარებას, ჩვენს პრესასა და უმნიშვნელო ბროშურებსაც კი.

ერთხელ წ. კ. გ. ს. ების წიგნის მალაზიაში შეველდა ვნახე განსვენებულისაგან დაკვეთილი წიგნები გამიკვირდა. განსვენებულს საინტერესო წიგნთა შორის ისეთი რაღაც წვირდმანები გამოეწერა, რომ ჩვენ, აქ მცხოვრებთაც კი არ წავგვიკითხავს და ყურადღებაც არ მოგვიქცევია. მის მარჯორი ვორდროვი ქართული მწერლობა სავსებით აინტერესებდა, — ძველიცა და ახალიც, მნიშვნელოვანიც და წვირდმანიცა.

დიდი ღვაწლიც დასდო განსვენებულმა, რომ ქართული ლიტერატურა და კულტურა ინგლისისათვის გაეცნო. მან გამოსცა ინგლისურად 1) ცხოვრება წმინდა ნინოსი, 2) „განდეგილი“ ილია ქავჭავაძისა, თარგმანი. 3) ქართული ხალხური ზღაპრები. 4) „სიბრძნე-სიცრუის წიგნი“ საბა-სულხან ორბელიანისა. მის მარჯორი ვორდროვი ისეთი თაყვანის მცემელი იყო ჩვენი უკვდავის შოთა რუსთაველისა, რომ ზედ-მიწევნით შეისწავლა „ვეფხვის ტყაოსანი“, და არა ისე ზერელად, როგორც ბევრი უცხოელი სწავლობს ხოლმე. მან მოინდომა გადათარგმნა ინგლისურად „ვეფხვის ტყაოსნისა“, და ნამდვილად გადათარგმნა, — არა ისე, როგორც ბევრი უცხოელი სთარგმნდა ხოლმე ყოველად უნიჭოდ და უწინოდ, ისე უხეიროდ, რომ ქართველი მკითხველი თავის „ვეფხვის ტყაოსანს“ ვეღარც კი სცნობდა ხოლმე. მისი თარგმანი არა გავდა — „Быль въ Аравии Ростеванъ, покоритель многихъ странъ“-ს; მის ვორდროვი სცდილობდა „ვეფხვის ტყაოსნის“ ენა, ორიგინალობა და განსაკუთრებული სული გადაეტანა ინგლისურ ენაზედ, მისი მიზანი „ვეფხვის ტყაოსნის“ სიტყვებისა და ფრაზების თარგმნა კი არ იყო, არამედ „ვეფხვის ტყაოსნის“ შექმნა ინგლისურად, როგორც განსვენებულმა ივანე მაჩაბელმა შექსპირი შექმნა ქართულად.

ათ წელიწადს მუშაობდა მის ვორდროვი ამ დიდი საქმის აღსასრულებლად, მაგრამ ულომობელმა სიკვდილმა უმუხთლა და შეაწყვეტინა ეს მისთვის სასიამოვნო შრომა. არ ვიცი, დამთავრა თუ არა განსვენებულმა თავისი შრომა, მაგრამ უმეტესი ნაწილი რომ დამთავრებული და შემუშავებული ჰქონდა, ეს კი გვსმენია. შეიძლება ვიხილოთ როდისმე იგი დაბეჭდილი, და მაშინ ნათლად დავინახავთ, თუ რა ნიჭი გამოუჩენია მას „ვეფხვის ტყაოსნის“ ინგლისურად შექმნაში, რაიცა, განვიმეორებთ, დიდი და ძნელი საქმეა და უბრალო თარგმანს არ დაედრება.

საუკუნოდ იყოს ხსენება შენი, კეთილშობილო და ღიდ-ბუნებოვანო ადამიანო; საუკუნოდ იყოს ხსენება შენი როგორც შენს განუყრელ ძამეგობრის ოლივერისათვის და სხვა მეგობრთა შორის, ისე ჩვენ შორის, შენთვის უცხო მაგრამ ძვირფასს მეგობარ ქართველთა შორის. ღვაწლი შენი ღიდი იყო ჩვენს წინაშე, და მადლობელი ქართველი ერიც ეცდება დაუიწყარ ჰყოს შენი სახელი, სანამ საქართველო იარსებებს,

B.

ასპროზის დახვრეტა.

(დასასრული *)



იოთამმა მადიანად მიიწია საძოვსა სკამი და მიუჯდა სუფრას.

— მადლობა ღმერთს, დღეი მშვიდობიანათ გათავდა, — სთქვა მან, — ამდღე თუ მშვიდობით გამოიქნება, მზეხა, ხვალ ადარაფრის გულაისა ადარ დაგიჯერებ და არ გაგათევ შინ დამეს. ფარნაოზისას წავაღ ან უმანკეისას.

— ტუილაი გეშინია, იოთამ... მაინც მე უოკელთვის მარტუაი რაფერ დაჯერებ.

მზეხამ ამოიღო თუფშე ქათამი და დაუდგა წინ — ახლა თავიდან დაიწეე? წუსეღის არ დაიჭირეს სინთაი და მამუკაი. მარტუაი კი ხარ ცოცხა, მარა დოდოლივი ხომ ათეეს შენთან დამეს... ნწა, ძალიან გემრეელი ხანს აი ქათამი, ძალიანინდ მომშოვდა... აბა-შეგუდგეთ... ღმერთო, დიდებო შენ!.. — იოთამმა გადაიწეა პირფარა და აიღო მკაღი.

უბებ მთელი შუშამანდი გახლდა. ცოცხ-ქმარმა მოისედა და თავხარი დაეცათ. იქურტობა სავსე იყო ჯარის კაცებით ჩაფრებით, წინ წამოადგა მადლი, ხეული, წვერთხელა, ქერა აფიცერი და რისხვით შეუტია იოთამს, რომელსაც ლეკმა ხელიდან გაგარდა და გაიფრთხილებოდა წე წამოიჭრა.

— რა ნიშნებს აჩვენებდი, შე ავასაკო, გამოტედა ახლავე!..

— ნიშნებს? — წაიღუდღუდა იოთამმა.

— დიად, ნიშნებს, ბებერი ვახდა ეველაფერში გამოტედა, და აი შენი ფარანიც...

იოთამმა მხლოდ ახლა შეამჩნია ქრისტეფორე ფარნით ხელში. სწავალს თეთრი თმა და წვერა სრულიად გასწეწოდა, ფეხებზე ძლივს იდგა და თვლებზე ცრემლები უმრიალებდა. ერთ წუთს იოთამს თავის უბედურება დაავიწყდა და გული მოხუცის სიბრძნულით აკვსო.

— ფარანი ჩვენ ვათხუეთ ბერიკაცს. შაგი უბედური არაფერში არის დამნაშავე, და გუუშვი ბატონო, — მიმართა ეველასთვის მოულოდნელად აფიცერს მზეხამ.

— რაა, რას ამბობს?

თარჯიმანმა გადაუთარგმნა.

— ახ, каналья, собака! როგორ ბედავს... მე თქვენ გაჩვენებთ განთავისუფლებას, — შექვეირა ფეხების ბრახუნით მზეხას ამის კადნიერებით განრისხებულმა აფიცერმა.

— გაჩხრიკეთ სახლი ამ წუთში! — უბრძანა მან ჯარის კაცებს.

კახაკები და ჯარის კაცები შეცვიფრდნენ ოთახში. შეიფურანეს იოთამი და მზეხაც. კადნიერად ეველაფერი: ახლდეს გამსტეხი ტახტი, ჩამოხსნეს და აბურტეეს ხალიჩები, კადნიერად აღეს მკვიდები და სკამები. შემდეგ კავიდნენ მთელი ოთახში, ამბიერტეეს კამიდი და სკოფირები; ღოგინები. მერმე კავიდნენ შესამე პატარა ოთახში — სადაც მზეხამ ბუხარში ისეთი გემრეელი ვახშამი გააგეთა და, რომელსაც ახლა გარეთ ჯარის კაცი შექვეირდნენ. მატრამ ვერსად გარდა „ურამინაის“ მეთარტეტე კარისა, ვერა იმფენეს რა. „ურამინაის“ დიდ ხანს უტეირა აფიცერმა და შემდეგ უბრძანა თან წამოეღათ.

— О, злитая бестия, о, мерзавцы... И встань мало! — უფირდა გაბრახებული აფიცერი და გაბრახვით უბრძანებდა თვლებს იოთამს და მზეხას, რომლებიც გაქეფავდათ თან ოთახებში.

შესამე ოთახიდან კავიდნენ გარეთ, უგანა ფართო აივანზე.

— უნებ აფიცერი შეჩერდა განცვიფრებული და შექვეირა იოთამს.

— აჰა, ახლა სადა წამიხვალ! ეს რა არის, შენ ავასაკო?!

იოთამმა მიიხედ-მოიხედა.

საუცხოვო დამე იყო:

ღურჯ ცის კამარზე ღაღად მავალი, სხივ შიფინარი გაბადრული მთვარე თავს დაჰხარდა ძირს დედამიწას.

ირგვლივ სიჩუმე იყო, თითქმის ეველაფერს და ეველას მეტის სიამით გაქნაბათ სული და აღტაცებით მიეპერთ თვალი ზეცისაკენ. სღუმდა კაშწის სახლებით და ბღებით ამოქარგული მიდამო, სღუმდა ვეება ვერცხლის გველივით დაკვანხილი დიდი მდინარე, რომელიც ანგარა მზეფებით თითქმის ვთამაშობდა სხივებს; სღუმდა კადმა მთის კალთაზე შეჭურჭული სოფელი და სოფლის კახტა ეველესია თავის მოეღვარე ჯგარით. მხლოდ სოფელს დარჯათ თავს დასდგამდა გაუალი ტეათ შემოსილი მთა. უხარ-მასხარი ხეები ხაზად არხვედნენ კენწერებს და ძირს სოფლებს, მინდორ-ველებს უხომო სიეგარულს და ნეტარებას დასწორწელებდნენ. და ამ ხეებში მთის გაღამიდან როგორც ტრფილი, მორცხვის სიცილით, ნელ-ნელა მიიპარებოდა ღაღი მთვარისაკენ მშვენიერი ვარსკვლავი ასპაროზ.

იოთამმა მიიხედ-მოიხედა, შეხედა ცოცხს და დაინახა. ჩაჰკადა თავი. ვერ მიხვდა, რა უნდოდა ამ აფიცერს. ის სეჭვოს ვერას ხედავდა.

— აა, ძღღო, — შეუტია აფიცერმა და ჯარს რაღა გასძახა. იოთამმა დაინახა, რომ სამი ასეული ქვე-

*) იხ. საქართველოს მოამბე, № 7.

ითა ჯარის კაცი იარაღის ჩხარა ჩხურით გამოიჭიმა ავი-
ნის გასწორებ უზოში.

— შენ გვეითები, ის რა არის, რა ნიშანია!.. —
დაიგრძალა მრისხანეთ აფინარმა და მიუახლოვდა იო-
თამს, — თქვი ახლავე, შენ უბედურო...

იოთამმა ახლა ნათლად გაარკვია, რომ აფინარი
ვარსკვლავისკენ იშვებდა ხელს. მაგრამ ვერ გაეგო, რა
მიზნით კითხულობდა: დარწმუნებული იყო, რომ აქ
რადღაც ეშვებოდა, რომ მიხეზი უშვებონ და ჩამახრ-
ჩონ. მუხლები აუცნაცნადა, მუხლებზე ცივმა თივლმა და-
სხა. შეშინებული თვალები მიახერხებოდა, რომელიც
არც მკვდარი, არც ცოცხალი იდგა სრულიად გაფითრუ-
ბული.

— აა, შეგეშინა... აა, შეგეტყუეს ეშვებოდა... მამ
სულ ერთია, სთქვი რა არის, თორემ...

— ეს?.. — წაიღულღულა იოთამმა.

— დიად, ეს, ეს.

— ეს ვარსკვლავია... ზღანეტა ასპიროზ... — წაი-
ღულღულა ენა ბორძიკით იოთამმა.

— რა? ზღანეტა ასპიროზია... ვის ატყუებ
შენ... აუზავო...

— შე არ გატყუებ, ბატონო. ჩვენმა სოფლის მას-
წავლებელმა თითონ სთქვა. ნამდვილად ასპიროზია. იო-
თამს ცოტა არ იუოსრადღაც იმედი მიეცა და მონიერმა და-
ურწმუნებინა აფინარი ასპიროზის სინამდვილეში. იმიტომ
მოიყვანა მოწამეთ მასწავლებელი, როგორც მასწავლი
კაცი.

ვარსკვლავი ცოტათი მარცხნიდან მარჯვნივ და
ჭკვიდან ზევით აიწია, თითქოს ვიღაცამ კანკებ გამო-
უცვალა მას ადგილი, რომ უფრო მკაფიოდ გაეშუქებინა.

— აჰა, ასე? მამ ვნახეთ, რა ნიერი ასპიროზია.
ვანკებუთ სეირს, რომ დაგხვრეტავთ ახლავე. შენ გტონია
არ ვიცი, რომ რეკლამა უცხოელების ნიშნის ფარანია!..

აფინარი მიადგა მოაჯირს და იოთამისათვის ერ-
თობ გაუგებარი და გასმტყრებელი სიტყვები დაიფიქრა.
და დაუფიქრებელი შემდეგ კიდევ უფრო გაუგებარი და გა-
სმტყრებელი ამბავი მოხდა.

უნებ ჯარმა თოფები მოამარჯვდა და გაისმა გრიალი
ვარსკვლავისკენ. კიდევ და კიდევ. სამჯერ დაიგრიალა
სამასი კანის თოფმა.

ერთ წუთს, თითქოს ცა და დედამიწა შეირყა;
ოდამ ზანზარი დაიწყო. მხეხამ შეჭკვივდა და ჩაიკეცა
გულ-შეწუხებული იოთამის ფეხებთან. იოთამ ეცა ოთა-
სისაკენ წყლის გამოსატანად, მაგრამ აქეთ-იქედან მო-
ღერებულმა შტაკებმა გაანერეს თავის ადგილას.

ერთ წუთს თოფის წამლის სუნმა და კვამლმა მო-
ცვა მადამ და თვალს მიეფარა მთაც, ტყეც და
სოფელიც, მაგრამ უნებ, თითქოს განრისხდა, ტყე
ახმურდა, დაჭჭრდა ნიაჭმა და გავფანტა შავი კვამლი.

ასპიროზ ისევ ისე ტურფა და მოცინარი ნელ-
ნელა მოიწვიდა ჯადო მთვარისაკენ, რომელიც ისევ ისე
მხიარულად მისცურავდა ცის კამარზე და სიყვარულის
შუქს აფრქვევდა მიუხედავად სოფელს, რომელიც ისევ

ისე სდუმდა, თითქოს მთვარესავით შორს იყო და არ
ესმოდა არც თოფების გრიალი და არც იოთამის გას-
ტყრო.

— ახ, წყევლი, ეშვებო, თოფიც კი ვერაფერს
აკლებს ამ... — წამოჭყვარა სიბრზით დორბლები აფი-
ნარმა, როცა ნიშნის „ფარანი“ ისევ ისე უვნებელი
დაინახა

— ახლავე მომგვარეთ იმის ამბები! — მიუბრუნდა
ის გვერდით მდგომ უმცროსს აფინარს. ახლავე და-
ტუსაღეთ მასწავლებელიც, — უბრძანა მეორეს.

— მესმის, თქვენო აღმატებულებავ! — შესძახეს
აფინარებმა აქეთ-იქედან. გაუკეთეს „ჩესტი“ და
მოტრიალდნენ წასასვლელად.

„ღმერთო, ნუ გადამრევ, — გაითიქრა იოთამმა, —
ასპიროზი დახვრიტეს? ვის ატუსაღებენ? ვარსკვლავის
ამბები?.. ნეტა სიზმარში, ვართ თუ ცხადში?..“ —
უნებ მას მოეჩვენა, რომ უველაფერი ეს სიზმარია და
გაცხარებით იწყო თვლების ფშვინება.

— ეი, შენ, გასწია! — მოესმა ამ დროს ხმა და
გვერდში „სტრანჯის“ მკარი მუკლუგუნო მოხვდა.
იოთამს გვერდით უღვა აცნაცნებელი ქრისტეფორე.

— გასწია! — შეუბღვირა ერთხელ კიდევ სტრან-
ჯიმ და ორივენი გაიგდო წინ.

ძირს იმათ გარს შემოერთნენ ცხენოსანი სტრან-
ჯიკები და კახაკები და გაიგდეს იქითკენ, საითკენაც გა-
ხედვისაც კი ეშინოდა იოთამს.

უკან სიძლიერით მისდევდა მათ სამასი ნამარვი
ჯარის კაცი.

როცა ჯარი წავიდა, მუხობელი ქალი ჩუმად შემო-
იბარა და მხეხა გონებაზე მოიყვანა.

ოჯახი დაცარიელებული აღმოჩნდა: არც ხალიჩები,
არც ტანისამოსი, არც ოქროს ნივთები, რომლითაც ისე
უფარდა მორთვა მოკახმვა მხეხას, აღარ იყო თავის ად-
გილას. მაგრამ მხეხას არც კი მიუჭტევიდა ამისთვის ყუ-
რადლება. ერთად ერთი საზრუნავი და სადარდელი იმის-
თვის იყო იოთამი, რომლის განთავისუფლებისათვის უნ-
დადა სიცოცხლეც კი შეეწირა, თუ სჯობდა იქნებოდა.
მაგრამ ვერ უშველა რა. იოთამს დიდ ზოლიტიკურ და-
ნაშავად სთვლიდნენ და მკაცრად ეპრობოდნენ.

სოფელიც ემდურდა იოთამს და ჯამუშათ სთვლი-
და, რადგანაც იმის სიტყვების შემდეგ მასწავლებელი
დაატუსაღეს.

ნინო ნაკაშიძე.

მოკლე მიმოხილვა ქართულ მწერლობის
უძველეს დროიდან.

მოგზაღების ხანა.

V.

წმ. გიორგი მთაწმინდელი. გიორგი იყო ბი-
დაშვილი ექვთიმესი. დაიბადა სამცხეში, 1014 წ. 1) დედ მამამ გიორგი შვიდი წლის წაიყვანეს, დაპირებისა² შებრ, ტაძრისის ქალთა მონასტერში, სადაც სცხოვრობდა მისი და. გიორგი თურმე მშვენიერის სახის და ტაძრისის იყო. თვისი ჭკუა-გონებით, გამჭრიახობით, მიხვედრილობით და გონების სიმახვილით გიორგის ეგველა განცვიფრებაში მიჰყავდა. რამდენამე ხნის შემდეგ გიორგის ბიბემა, რომლებიც ხახულის მონასტერში მოღვაწეობდნენ, დაიბარეს ის თავიანთ მონასტერში. აქ გიორგი გულმოდგინეთ შეუდგა საღმრთო წერილის, გალობის, ბერძნული ენის, ფილოსოფიის, რიტორიკის და საეკლესიო წეს-რიგის შესწავლას. გარდა ამისა, გიორგის არ დაუტოვებია არც ერთი წიგნი მონასტერში წაუკითხავი და შეუსწავლელი. 2) ფეროზმა და მისმა ცოლმა (ფეროზი იყო ვასილ ბაგრატიონის სიძე— დის ქმარი) იშვილეს გიორგი. საქმე იმაშია, რომ წმ. გიორგის ბიბემა— „გიორგი მწერალი“ ფეროზის და მისი ცოლის მოძღვარი იყო. მან გააჩნო ფეროზს და მის ცოლს მისწული. 1021 წ. ბიბემ და დედობილემ გიორგი წაიყვანეს კონსტანტინებულში. აქ გიორგიმ თორმეტი წლის განმავლობაში დახელოვნებულ და სწავლულ მსწავლეობების ხელმძღვანელობის ქვეშ საფუძვლიანთ შეისწავლა მთელი თანამედროვე მეცნიერება დ ბერძნული ენა...

კონსტანტინებულშიდგან გიორგი დაბრუნდა ისევ ხახულში. თარტუმის კლდე-ხეობაში, სოფელ ხახულში, მდინარე ისპირის მახლობლად, დაგოთ კურთხვა-ლატმა მე-X საუკ. ააშენა მონასტერი ღვთის მშობლის სახელობაზე. მონასტერს დაერქვა სახელად ხახულის მონასტერი ეს მონასტერი გახდა მე-X—XII ს. ს. უმთავრეს რეტრად სარწმუნოებრივ და სამეცნიერო განათლების მთელს სამცხეს მხარეში. 3) 1039 წ. როდესაც გიორგი გახდა 25 წ., მან მიიღო ბერობა. იმავე წელს გიორგი გაემგზავრა წმ. ადგილთა თავიანთ-საცემად. გზა-და-გზა მან ინახულა ქართული მონასტრები ანტიოქიაში და შავ ზღვაზე; წმინდა რომანოზის მონასტერში დარჩა და, გიორგი დაუდებულის ხელმძღვანელობის ქვეშ, იღვწოდა სამ წელიწადს: 4) როდესაც გიორგი მთაწმინდელი შეიქმნა ოცდა ათი წლისა, გიორგი დაუდებულმა მღვდელ-მონაზვნათ აკურთხა.

1) თ. უორდანიის ახრით კი 1009—10 წლებში.
2) იხ. პ. ხანაშვილის „Очерки...“ вып. II, 83. 73
3) იხ. ალ. ივანოვი. „Пал. сбор.“ 1888 г., вып. IV, 83. 178 —179.
4) გიორგი შესანიშნავი ქართველი იყო. იხ. ანტონი I, „წყ—სიტ.“, § 722.

1044 წ. გიორგი ზირველად გაემგზავრა იერუსალიმში. რამდენიმე ხნის შემდეგ გიორგი კვლავ დაბრუნდა გიორგი დაუდებულთან და უნდოდა სამედ მოდ მასთან ცხოვრება და მოღვაწეობა. მაგრამ მოხერხდა მას სთხოვა წასუდეთ ათონში და დაემთავრებინა ის დიდი საქმე, რომელიც წმ. ექვთიმემ დაიწყო და მთლად ვერ დაამთავრა. გიორგი მართლაც წავიდა ათონში და იქ შეიდი წლის განმავლობაში იღვწოდა და სთარგმნიდა საეკლესიო და სხვა სასულიერო შინაარსის წიგნებს. თავდაპირველად მან სრულად გადასთარგმნა ხვინ: ქსარი, (ექვთიმეს თარგმანი შემოკლებული იყო), მერე—თხზივე სახარება, კურთხევა, ეგველა ეპისტოლე (წარგზავნა) ჰავლე მოციქულის (იხ. ხანაშვილი „Очерки вып. II გვ. 74). 5“

1051 წ. გიორგი აირჩიეს ივერიის მონასტრის წინამძღვრად. მაგრამ მან მალე დაიხუბა თავი წინამძღვრობას და გაემგზავრა შავ-მთაში. აქ ის შეხვდა მეფე ბაგრატ IV დედს—მარიაში. დედოფალს უნდოდა გამგზავრებულიყო იერუსალიმში, მაგრამ გიორგიმ არ ურჩია, რადგანაც ამ დროს სირიაში არეულობა იყო სულჯუკების შემოსევის გამო. მამან მარიაში თითონ გიორგის მიანდო შეწირულებანი მიეტანა იერუსალიმის მონასტრებში (იხ. „ქარ. რს.“, გვ. 230.)

იერუსალიმიდან გიორგი დაბრუნდა ანტიოქიაში და ცხოვრობდა ხან ამ ქალაქში, ხან წმ. სვიმონის მონასტერში, ხან კიდევ კალინის ქართველთა მონასტერში (იხ. ივ. სოკოლოვი: „Сост. мон...“)

ანტიოქიაში ეოფნის დროს გიორგიმ ინახულა ეგველა მონასტერი, რომლებიც გაფანტულ იყვნენ ლივანის მთებზე. ამ მონასტრებში ის სთარგმნიდა საღმრთო საეკლესიო წიგნებს ბერძნულიდან ქართულად (იხ. „Афонскій поперикъ“, ნაწ. I, გვ. 420, 429.)

ანტიოქიაში წმ. გიორგიმ მიიღო მეფე ბაგრატის წერილი, რომელშიაც სთხოვდა დაბრუნებულიყო საქართველოში. მეფის შემკვიდრე გიორგი, ჭერბივ დედოფალი მარიაში, პატრიარქი და ეპისკოპოსები—სულით და გულით ელოდნენ გიორგის, რათა მიეღოთ ამ შესანიშნავ მამისკან ლოცვა-კურთხევა და დარიგება. თავდაპირველად გიორგი ეოქმანობდა: ენახებოდა მიეტოვებინა მეუღრო სულის ნათ-საყუდარი-მონასტერი და მარტობა. ბოლოს მან გადასწყვიტა გამგზავრებულიყო. დიდის პატივით მიიღო მეფემ გიორგი ქ. ქუთაისში. მოსვლისთანავე მეფემ მისცა გიორგის შესანიშნავი ღირსი ნეღისი (ქართლში); მერე იქიდან გადაიყვანა შატურში (კლარჯეთში). ბაგრატს სურდა გიორგი ჰელოდა მახლობლად და ხშირ-ხშირი მისვლა-მოსვლა ჰქონდა მასთან (იხ. ხანაშვილი „Очерки...“ вып. II, გვ. 79—80). სამშობლოში გიორგი შეუდგა თანამემამულეების ხვე-ჩვეულების განწმენას; შეიტანა სასარგებლო ცვლილებანი ეპისკოპოსების არჩევა-ხელდასმის საქმეში; დააარსა სასწავლებელი, სადაც გამოცდილნი და საღმრთო წერილში დახელოვნებულნი პირნი ასწავლიდნენ „შეკვირდებს“ საღმრთო სჯულს, გა-

ლობს და ზოგიერთ სხვა სჯერებს. ასე ნაყოფიერად და დეულადავად იღვწოდა გიორგი ს მშობლო ეკკლესიის და თანამემამულეთა სასარგებლოდ!

მაგრამ მას მანინ სურდა უკანასკნელი თვისი დღე-ნი დაეღობა ათონზე. ოთხმოცი თვისი შევირდებით ის ჩაჰდა გემზე და გაემგზავრა კონსტანტინოპოლში, სადაც შეტრდ გარდაიგვალა. ჩაშთი წმინდანის მოწაფე-ებსა და ბატონებმელებმა მამინე გუმით გადასვენეს ათონზე. *)

წმ. გიორგი მთაწმინდელმა თვისი დეულადავის შრომით დიდად შეეწოდა ხელი მწიგნობრობას საქართველო-ში. მან თითონ გადასთარგმნა ოცდა ხუთამდე სლმერთა და სუეკლესიო წიგნი და სხუებსაც ამხნეებდა და აქე-ჰებდა სალიტერატურო სამოღვაწურდ. ჩვენამდის მოაღწია რამოდენიმე ხელნაწერმა, რომლებიც არიან გადაწე-რილნი კალიანთან ქართველთა მანსტერში. ერთი მათგანი, ოქროს ინიციალებით, დაწერილი ოთხთავი (четвероевангелие), ეკუთვნის გიორგის კალ მს. მასვე ეკუთვნის სიონქსარი, რომელიც დაცულია ჟურის მანს-ტერში (იხ. ზრ. ცაგარელის „Каталогъ рук. врист. мон. пѣрим. I, № 25“)

ჩვენ აქ სწორედ არ ვსთვლით თითო-თითოდ ჩამოთვალათ გიორგის ხითარგმნი წიგნები. მსურ-ველს შეუძლიან გაეცნოს მათ თ. ჟორდანის „ქრო-ნიკობში“ და ხახანშვილის „Очерки...“ ში. (იხ. თ. ჟორ-დანის „ქრონიკები“, ნ. I, გვ. 189, 200, 208, 211, 212, 224, 230, 232, 237; ნ. II, გვ. 39; ზრ სახანშვილის „Очерки...“ вып. II, გვ. 77—79).

ჩვენ ექვთიმე და გიორგი მთაწმინდელის, როგორც მთ რგმელებს, მოღვაწეობას იმისთვის ეი არ უსვამთ ხაზს, რომ გვინდა იმის თქმა, ვითომც წინათ არ ჰქონოდეტ ქართველებს სრული ქართული ნათარგმნი სლმერთა და სუეკლესიო წიგნებისა. ნამდვილათ ცნო-ბილია, რომ ჟურ კიდევ მეხუთე საუკ. მირდატ V მეუღლის, დედათაჲ სანდუსტისათვის, გადასთარგმნეს სხარები (იხ. „ქრ. ცხ. ნ. I, გვ. 110; სპინინის „Исторія груз. церкви до VI в.“, გვ. 65.). ბრე-თვე ამ ნივთებს შორის, რომელებიც მეფე ფარსმა VI (542—557 წ. წ.) შესწირა შიო მღვიმის მონას-ტერს, მოხსენებულაი სხარება, რომელიც მდადრულად შემკობილ იყო მეფე ვახტანგ გარგასჯანის მიერ (446—499 იხ. შიომღვიმის მონასტრის მამთა ცხოვრუ-ბა გვ. 40) როგორც მოწმობის მსკე ხორენელი, მეს-როფში, ქართველი ჟაგას დახმარებით, გადასთარგმნა საქართველთა ტანტის შემკვიდრის სანდუსტისათვის სხ-ხარება, სამოციქულო და რამოდენიმე სუეკლესიო წიგ-ნი (იხ. მსკე ხორენელის „Исторія Арменіи кн. III т. 55 и 60; სპინინის „Исторія груз. цер.“).

ძველი ხანირუსის კონდაკი და სარან დაუთინი,

რომლებმაც ჩვენამდის მოაღწიეს, ეკუთვნის V—VI საუკ. (იხ. ზრ. ცაგარელი, „იკერია“ 1884 წ. №№ V—VI, გვ. 50—51) კსნის ოთხთავი, როგორც მღვ-ნობის და ბაქრადე, გადაწერილია 662 წ. (იხ. ბაქრადე „საქ. ისტ.“, გვ. 171; „Труды V ар. съезда“, გვ. 215 (древній варіантъ груз. четвероевангелія).

იხ. ვართავაია.

სიმატლის გზის შემკვა.

(წერილი რედაქციისადმი)

„დროების“ რედაქციამ ეოგელი გზა შეჰქვრა, რომ-ლის საშუალებითაც ეი შეეძლო მიღწეა მკითხველისადმი სიმატლეს იმ ზოლებიკის შესახებ, რომელიც მან ამო-ტეხა მან ჩემი ჰასუსა მისს მეორე წერილზე არამც თუ არ დ ბეჭდა, არამედ დეჲმ და თავის მკითხველებს მისი დაბეჭდვა „საქართველთა მოამბეში“. სრულიად არ მოიგვანა ამ ჟურნალის წერილების სათაურები მხლოდ იმ სომრის, რომელშიც დაბეჭდილი იყო ჩემი წერილი, მაშინ, როდესაც ეოგელი სხვა ნომრის შინაარსი აღნიშ-ნული ჰქონდა ხოლმე წინადაც და ახლაც აქვს. სამა-ტუროდ, ერთი კვირის შემდეგ თავის მკითხველებს წარუდგინა დამახინჯებული ნივთები ჩემის წერილისა და წინადაცის ცილის წამებას ახალი ცილის წამება დაუ-მატა. როცა ეველა ამის გამო სმედიატორს სამართალი მოკითხვე, უარსუ დადგა. მე იძულებული ვავხდი და-შეწერა და გამეგზავნა ახალი წერილი. „მოაღწევიეთ ამ სტრიქონებს თქვენა მკითხველებისადმი, და დეე მათ ზირთუნელი სმედიატორა მსჯავრი დასდონ ჩვენი ზო-ლებიკის შესახებ მეთქი. თუ ამ უკანასკნელს წერილსაც გზას შეუგრაფთ, ამითი თქვენ მიუმატებთ ახლან უგა-დურესს უსამართლობას წინადაცის რაც უსამართლობი-სასა მეთქი. მანინც კიდევ ჩაიღინეს უგადრისობა და, თათბირის შემდეგ, წერილი არ დაბეჭდეს. უკანვე დამიბ-რუნეს.—

ამ ჟამად მე მწადიან მკითხველი საზავადობის ურადლება შევჩერო მხლოდ ერთს ახლან ცილის წა-მებაზე, რომელიც „დროებამ“ გამოატყურონ თავის მე-ოთხე წერილში ჩემს წინადაცდევ: „გოგებაშილი რე-ვალიუციის დროს იცავდა სოციალიზმსა, ახლა ეი ზო-ზებიტელთან ერთად სდეგნის სოციალისტებსა.“ ეს ცილის წამება ბევრად აღემატება წინადაცს. ვითომც მე რუსულს ეხაზე არ მომეთხოვას ქართული ლიტერა-ტურის; გოგრაფიის და ქართულის ისტორიის სწავლე-ბა საშუალო სსწავლებლებში...

ჟურ ერთი, ბ-ნი ზომებიტელი სდეგნის არა სოციალიზმსა არამედ სოციალიზმსა, იმდენად, რომ ნებას არ აძლევს, სამინისტროსთან ერთად, ოთხი—ხუთი წლის ქართველს ბავშვებს მათს დედაქნაზე ესუბრონ სხ-ბავში ბალებში. მეორე, გოგებაშილი არას დროს არ ეოფიდა ვისიმე მდეგნელი, მით უმეტეს სოციალისტე-ბისა (და ეს მათ უკედ იცანს, ვადრე „დროების“ ფსკვდო-სოციალისტებმა), არამედ ვოფიდა ეოგელთვის და

*) ზიოგრაფიული ცნობები წმ. გიორგიზე ჩვენ მომე-ტებულ ნაწილად ამოვღეთ აღ. ცაგარლის წერილებიდან „Ист. ცხ.“ 1888 г. т. IV გვ. 46—48.

იქნება მოსარჩლე და ქმაგი დევნილთა, და მებრძოლი ამათთან, ვინც აწარმოებს ამ დევნას, მიუხედავად იმი-სა, გარეულები იყვნენ, თუ შინაურები. ესენიც სამ-ციურის უხდიდნენ გოგებაშვილს იმითი, რომ სისტემა-ტიურად სდევნიდნენ. სდევნიდა მას მთავრობა, რო-მელმაც თარმეტის წლის სამსახურის შემდეგ იგი დაითხოვა ადგილიდან მესამე მუხლის ძალით და ისიც სერიოზული ავთოფიობის დროს სდევნიდნენ და სდევნიან შავ-რახშილები, გარეულები და შინაურები, რომელნიც წერილობითი „დონოსებთაც“ კი თხოვლობდ-ნენ მის გადასახლებას საჭიროებოდან, და ერთი ზირი ამ გვარს დანოსის ხელში უკლავს ამას წინაღუპრებურ-ში უფროს დროს და თფილისში ჩამოუტანია ვეკლას-გან პატრიარქულს და გამბედავს მოძღვარს ნავთლუხისსა.

ფრანს: „ზაქარიატელთან ერთად სდევნიდა“, გულ-უბრყალად და გამოუცდელს შიკოტეკელს ათიქრებიანის: გოგებაშვილი უსალოოდ მხალბოელი ზირია „ზაქარიატელი-სა.“ ნამდვილად კი მკ იგი თვლითარ არ მინახავს არც ერთხელ და ზირად ხაჩინობას სრულად მოკლებული ვარ. არც წერილობით მიმიმართავს რამე შუამდგომ-ლობით არას დროს. და არც ვსაჭიროებდი... ერთად მოქმედებისათვის საჭიროა საერთო მიმართულება. ამ მხრივაც ჩვენს შორის უფსურული არსებობს. ეოგელი ბიუროკრატი, მეტადრე სამსწავლო სიერისა, ცენტრ-ლისტა, მკ კი, როგორც ჩვენს ლიტერატურაში ჩახე-დულს მეთხველს მოეხსენება, დეცენტრალისტი და აკ-ტონომისტი ვიყავ უოველთვის და ახლაც ასეთი ვარ. ბიუროკრატი სდევნიდა სხვა ხალხების ნაციონალიზმს და გარუსების ზოლიტაგას ადგია; მკ კი ეოგელთვის დამრ-გელი ვიყავ სრულის ნაციონალიზმისა, მქადაგებელი ერის თავისებურობის აღორძინებისა, თავისუფლად აკვავებისა. ეოგელი ბიუროკრატი სცდილობს ძირს დასცეს ის დედაბო-ძი ეროვნებისა, რომელსაც დედა-ენა ჰქვია; მთავარი ჩემი მოძღვრების მიზანი იყო დაცვა, განმტკიცება და გაძლიე-რება ამ მთავრის ეროვნულის საუნჯისა, რასაც მე ვეჭო-მაკებოდი სიტუაციას და საქმიანად, ერთს ენახედარ და მეორეხედარ. ვეკლავ ზაქარიატელი ზოლიტიკანია, მკ კი მტკიცედ ვიდრე და ვდგავარ შედაგოგოურს ნადაგზე. ერთი სიტუაციით, ბიუროკრატის გზა და ჩემი გზა ეწი-ნადადეკებოდნენ ერთმანეთს ეოგულს მუხლში, შორის გამცდ მე ვეწოდი და ახლაც ვეწვი სისტემატიურს ოპოზიციას. სწორედ ამ ოპოზიციის ნაყოფი განლავთ ის, რომ თფილისის სთათბირის სკოლების ახალი ზრო-გრამის პრაქტიკიდან, რომელიც დამტკიცებულადა ზაქარ-ჩიტლისგან, გამოტოვებულია ჩემი რუსული სახელ-მძღვანელობა და ქართული სახელმძღვანელობებიც. ამ სხით ბ-ნი „ზაქარიატელი“ და მკ პრინციპიალური მოწი-ნადადეკები ვართ და ერთად მოქმედება ჩვენი ეოვლად შეუძლებელია, და ვინც ამას იტყვის, უკიდურესს ცილის წამებას ჩაიდენს.

„დროება“ სცდილობს შიკოტეკელი დაარწმუნოს, რომ ხუთის წლის წინაღ მე სოციალიზმის მომხრე ვი-ყავი, ახლაც კი წინადადეგი ვარ მისი. უკანასკნელი ახ-

რი ტუეილია, ზირგელი კი მართალი. განმთავისუფლე-ბელი მოძრაობის დროს ბევრი ჩვენებური სოციალისტი უკიდურესად გატაცებული იყო ინტერნაციონალიზმით და იმდენად უარყოფდა ნაციონალურს ნადაგს, რომ თ-ვისი რვა—ცხრა წლის მოსწავლე შვილისგან ითხოვდა, მოკითხვის ბარათები მწიქრე რუსულს ეარგონსე და არა დედა-ენახეო. მე ადვილად მე ასეთი უკუდმართობის წინადადეგი, რადგანაც მტკიცედ ვიდრე იმ ახრზე, რომ სოციალიზმი, თავის თავად ჩინებული პრობლემა, მოწვევტილი ნაციონალიზმისგან, ეროვნობისგან, დაღს ვნებას მიაყენებს კაცობრიობას, ერების გადაგვარებას შეუწებს ხელს, ინდივიდუუმის თავისებურობას დაბლა დასწევს, შეასუსტებს, და კაცობრიობას დაამტკიცებს ერთ-ფერს და ერთ-გვარს უშველებელს ნახილს, რ-მელმაც საერთო კულტურისაზე დამყარდება საერთო ერთ ფერი და უხალისე ცხოვრება, უფერული არსებობა, საეოვლათო უსახრულობა, გულსაკლავი ზესისიმიზმი. დიდი ხანია ბრძოლად არის ნათქვამი: „ერთფერობა სიკვდილია, მრავალფერობა სიცოცხლე“. ეროვნული სა-ეოვლათო სოციალიზმი კი კაცობრიობას დაამტკიცებს გრანდიოზულს ბუნდერს ხორს, რომლის უოველი წვერი, ეოგელი ერთ თავისებური ხმით გამდიდრებს და დაამტკიცებს საზოგადო პარამიანსა.

ამ შესხველობის მიხედვით მე წინადადეგი მიმდევარ ვიყავ ნაციონალურის სოციალიზმისა და ახლაც ვარ. და თუ სოციალიზმზე მე ახლაც აღორთერს ვამბობ, ეს იმიტომ, რომ ახლანდელს მომენტსა და გარემოებაში ეს წელის ნევაზე უფრო უარესად მიმხნია. სოცია-ლიზმის საძირკველი თვით დაწინაურებულს ქვეყნში მხოლოდ ახლაც იგრება, და იქნება არა ერთმა საეოვნემ განვლო, ვიდრე ამ საძირკველზე აშენდებოდა და დამ-თავრდებოდა გრანდიოზული სოციალისტური შენობა. ნუ დავიგოვებთ, რომ ორი ათასი წლის წინაღ მაცხო-ვარი და მისი მოწაფენი ოცნებობდნენ სოციალიზმის დაქმურებაზე მორწმუნეთა შორის ახლო მომავალში; მაგრამ დღემდის ეს ოცნება არ განხორციელებულა არც ერთს ქრისტიანულს ქვეყანაში.

ამის გამო, თუ ჩვენ ქართული ერა ვიკვებებთ სო-ციალიზმის ოცნებით და იმედით, და მთელი მისი უუ-რადდება და ძალა არ დავამყარეთ ეოგელ-დელიურ ბრძო-ლასზე არსებობისათვის, და მეტადრე ტერიტორიის მერ-ჩენაზე, ქართველთა სახსენებელიც შეიძლება აღარ იყოს მა-შინ, როდესაც სოციალიზმი გადმოლახავს შავს ზღვას და თავის დრომას ააფრიალებს ამერ კავკასიაში. ესევე ზღვი კომოსტკა ამ დღეებში ამისთანა დროდ მორწმუ-ნი სოციალისტმა, როგორც ბრძანდება ბ-ნი ივანე კო-მაროელი.

სდუმს სრულად სოციალიზმზე კარგა ხანია თვით „დროება“ და თუ გაახსენებს ხალხი ისიც გაკვრით, ზოლუმიკაში ფაქტიურად, საქმიან იგი არის უბრალე, ხო-მიერი პრაგმატისტი, და სხვა არაფერი.

სადამინ მადის ზომიერება „დროებისა“, დღეს-ვით ხანს იქიდგან, რომ იგი ბევრს სასოფათო შემატევის

გვერდს უქცევს. აი ამისი დამამტკიცებელი ფაქტები, რომელთაც ადგილი უქონდათ ამ შემოდგომისაზე. „დროებაში“ კრინტა ვერ დასძრავ ინსპექტორა მასკავარიანის უკუღმართობის წინააღმდეგ. მან ვერ გაბედა ცოტათი დაინტერესდეს მანერტის გამოცხადებისა მეორე გემინაზიის წინააღმდეგ ქართული ენის თითქმის გაუქმების გამო. მან მხოლოდ ლიტონი სიტუაციით და ცივად აღნიშნა ახლანდებში ქართული ენის გამორანცხვა საშტატო სტენიდან საოსტატო ინსტიტუტში, მან კრინტა სიტუაციითაც არ დაგონა ურთი გარუსებული ქართველი ქალის უსაძვლავი დანხი: „მთელი საქართველო“, სწორად ეს ქალბატონი ერთს გაუღენიანს სატახტო გაზეთში, „მიისწრაფისთ გარუსებისაკენ; მაგრამ ამას ხელს უშლიან ქართველი სეპარატისტები“. უფრო მეტი ჩაიდან „დროებაში“. როცა ამ გზა დასრულდა არსებამ თავისი პატარა, უშინაარსო მოთხრობა გამოუგზავნა მას, რედაქციამ იგი მადლობით მიიღო, გადაარგუნა ქართულად და გამოქვამთავის გაზეთში, და სხვანი და სხვანი.

სამაგიეროდ, ნამდვილი თითქმის ქორის სიმამაცე გამოიჩინა ჩემ წინააღმდეგ, ისარგებლა რა ჩემი უიარაღობით, საუთარო გამოცემის უქონლობით. როცა მე

დავგეგმე მეორე გემინაზიაში ქართული ენის უკიდურესად შევიწროება და გათასხირება, ნაცვლად იმისა, რომ ამის წინააღმდეგ გაელაშქრა, „დროებაში“ მე უკანადაც დამეყარა უკუმატრები. და ამითი შავრანშეკლებს შარბათი დააღვენინა, და საქმესაც ავნო, როგორც ეს შეუტყვიათ თვით „დროებისაკენ“ რეპორტიორს ქართული ენის მასწავლებლებისაკენ. და ამისთა ნა რედაქცია ჩემუფობს საშავალითო მამული შვილობას, უებრო რადიკალობას, სოციალისტობას.

ხალხის განხილვას, სხალხსო სკოლას ჩვენს ქვეყანაში ამ უმად ადგია ისეთი შვი დდე, რომელსაც ძველი რეჟიმის ფარფაშობის დროსაც კი არ მოესწრებოდა. ამისთანა მამენტში სერთო, სოლიდარული დაუცხრომელი თხონიცი სავადლებულთა ეკელსათვის, ვისაც კი გულში უღვივის ნამდვილი სიეგარული თვისი ერისა. „დროებაში“ კი სწორედ ამ მამენტში გახალა გამწკავებული შინაური თმა, დეე თვით მკითხველმა დასკვნას ეს სამსახურია ღვთისა, თუ ეშმაკისა.

იაკობ გოგებაშვილი.

რედაქტორ-გამომცემელი სვ. უფიანი.

ყოველ დღიური საპოლიტიკო და სალიტერატურო გაზეთი

== დ რ მ ე ბ ა ==

მიიღება ხელის მოწერა 1910 წლისათვის. მომავალ 1910 წელს გაზეთი „დროება“ გამოვა იმავე პროგრამით, როგორც 1909 წ. გამოდიოდა.

ყოველ დღიურ გამოცემას გარდა 1910 წლსაც გაზეთს ექნება **სურათებიანი დამატება** დამატება გამოვა კვირაობით. გაზეთის ფასი: წლით, როგორც ქალაქში ისე ქალაქგარედ 8 მან. და 50 კ. ნახევარი წლით 4 მ. და 80 კ., ერთი თვით 80 კაპ. (1 მანეთის მაგიერ). საზღვარ გარედ 12 მამეთი.

ცალკე ნომერი ყველგან **ერთ შაურად**. ≡ დამატებიანი ნომერი (კვირისა) შეიღ კაპეკად ადრესს გამოსაცვლელი ფასი 40 კაპ.

1910 წლიურ ხელის მომწერლებს დაურიგდებათ **კედლის კალენდარი**, კვირეულის ფურცლებით ტვილისში ხელის მოწერა მიიღება „დროების“ კანტორაში და წერა-კითხვის საზოგ. წიგნის მალაზიაში ი. ავალიშვილთან. ქალაქ გარედ ხელის მოწერა მიიღება: ქუთაისში—ის. კვიციანიძესთან, ხონში—გიგლა მებუჯესთან; გორში—სევ. შევლიძესთან; ქიათურაში—სოფრომ ტარუაშვილთან.

ხელის მოწერის ფასი ნაწილ-ნაწილადც შეიძლება მხოლოდ წლიურ ხელის მომწერთათვის, რომელთაც პირველად 3 მან., პირველ მარტისთვის 2 მან., 1 მაისისთვის 2 მან. და 1 ივლისისთვის 1 მ. 50 კაპ.

გაზეთის გამოწერა შეიძლება მხოლოდ თვის პირველ რიცხვიდან არა ნაკლებ ერთი თვისა და არა უმეტეს წლის გასულისა.

„დროების“ კანტორაში ხელის მოწერა მიიღება ყრველ დღე, კვირა უქმეების გარდა, დილის 9 საათიდან 3 საათამდე და ნაშუადღევს 5 საათიდან 7 საათამდე. თვის ბოლოს კანტორა კვირა-უქმე დღეებშიაც იქნება ღია.

ქალაქ გარედ ხელის მომწერთ ფულა უნდა გამოგზავნონ ამ ადრესით: Тифлисъ, газ. „Дროება“.